

晚晴籀詩匯

第二册

地

方

志

卷

之

一

！

晚晴簃詩匯卷五十二目錄

曾畹 二首

劉青蓮 一首

劉源淥 一首

錢廉 四首

魏哲嗣 三首

陳謀道 三首

曹鑑仁 四首

曹鑑微 二首

任鵬 二首

許國煥 三首

李嘗之 一首

楊誼遠 一首

彭印古 六首

沈欽圻 二首

鄭典 二首

戴碩 一首

李其永 三首

孫芝蓀 一首

陳寅 二首

俞場 一首

吳菘 三首

馬潛 六首

俞綬 一首

曹垞 二首

安駿命 一首

吳麐 四首

江剡 二首

黃儀 一首

蔡綦春 一首

梅枝鳳 二首

楊青藜 二首

馬常沛 二首

趙作肅 一首

董道東 一首

尤翼宗 二首

王道直 一首

張天保 一首

郭振遐 二首

馬械士 二首

侯仁朔 一首

葉奕苞 一首

陸振淵 一首

郁永河 一首

陸霽勳 一首

柯宏本 二首

劉清 三首

謝德宏 一首

涂始 二首

黃道開 一首

李必果 一首

陳之駮 一首

彭廷梅 二首

黃應蘭 一首

陳周禮 一首

陳藝衡 四首

周瓚 一首

謝靈運 四首

黃憲爾 一首

劉文孫 一首

黃憲爾 一首

謝靈運 一首

謝靈運 一首

謝靈運 一首

謝靈運 一首

謝靈運 一首

謝靈運 一首

晚晴移詩匯卷五十二

徐世昌

曾晄字楚田甯夏人

黃竹嶺

高峯日欲頽二月入閩來石突交飛瀑山空易動雷無風  
人急渡欲雨鳥先回處處燒田棧春荒尙未開

北口峪望蔚州

匹馬桑乾道孤城沙漠陰風高谷口斷石迸水痕深野雉  
銜酸果神狐嘯暮林匣中三尺劍不試夜沈沈

劉青蓮字華嶽號藕船襄城人貢生有七一軒詩

小曾有所思寄雨蒼季平兄弟

問子何所思渺在千里友復問思何切少交今白首古交

淡如水今交濃如酒酒濃祇能暫水淡乃可久久要百年  
心暫好一朝口敦古君銳先薄今我怯後貞堅霜後松搖  
落風前柳兩地各努力千載期不朽

劉源潔字直齋安邱人諸生

詩話直齋伏處海濱端居學道獨抱考亭遺書躬行  
心得當其世蓋罕知者卒後馬蓼亭陸巢雲力為表  
章遺書始出

登勞山絕頂望海

小駐人間七十秋滄桑幾度不關愁到來咫尺蓬瀛路萬  
里滄波一葉舟

錢廉字穉廉號東廬鄞縣人有東廬遺藁

全謝山曰李杲堂晚歲石友三人曰董岳堂曰邱惺  
齋曰錢東廬而於東廬稱許尤至所云天下史才推  
萬入目中奇士  
有錢三是也

詩話東廬從梨洲游象數兵法無不通康親王征藩  
曾用其策微之從軍不赴屢辭薦居東廬以終老與  
慈谿鄭寒村最契詩派亦相  
近遺藁卽寒村所編定也

### 閒居

閉門靜息此禪關誤寫斜分郭外山  
車馬不喧燕市裏松花一枕夢初閒

### 懷董缶堂

愛爾篇章好臨風見古人詎無千載目  
日益故鄉貧白髮慚澹厚青鐙拭蠹  
頻嗟余亦寥落執手倍傷神

### 飲宋受谷雲深草堂

何事勞勞苦問津能安此日是高人  
短屏題徧江楓句小閣呼同好鳥春  
率爾到村披素鞵時余以謝弔入西水  
便爲把臂入林身今朝我亦漁郎矣  
豈必桃源是避秦

雪中旅懷

飛花點點落輕裾一樹寒梅伴影孤夜與老僧依佛火午  
隨清磬入山廚鄉關迢遞思黃犬鬚髮摧頽感白駒自分  
不材甘世棄蒲輪曾詔漢家儒

魏哲嗣字孝儀號東園嘉善人貢生官昌化教諭有涉

園詩鈔

詩話東園為青城子幼有詩名與朱竹垞周青士錢  
飲光陳迦陵時相唱酬工力益邃五言佳句如秋深  
初落葉山靜偶聞鐘人隨黃葉老家與白雲鄰花發  
連春雨鶯囀隔暮雲蘋末微風起鶯邊細雨來春殘  
留宿雨雲淡出疏星鴉翻初月動螢度  
一星流皆學唐有得非虎賁中郎之比

秋日游峴山

峴山突兀凌羣峯直上疑與風雲通相將共尋曲徑去屐  
齒踏破蒼苔封天高正值秋深候雪溪練影搖晴晝隔浦

時聞斷雁哀傍崖忽見驚猿驟窪尊亭迴長自閒躊躇四  
顧圍煙鬢我來此際空好事猶幸二客同躋攀木葉飛殘  
聲策策參差只剩霜楓赤欲轉疏林叩上方晚煙微茫日  
西匿

漢皋詠古

滄浪東注水滔滔雄郡何年啟漢皋秋興亭孤銜嶺月春  
風樓迴瞰江濤煙波長使懷鄉切雲雨空令入夢勞此日  
紛紜看世態忘機深憶丈人高

郢中自古號名州地壓襄河擁上游月冷烏嗁梅福宅春  
深花發仲宣樓一時絕調誰能繼千載雄風尙可求莫怨  
顯陵松柏暮鍾山零落更堪愁

陳謀道字心微嘉善人諸生有百尺樓橐

詩話心微爲幾亭孫工詩尤善詩餘王阮亭選其詞  
入倚聲集稱其數枝紅杏斜陽勝於宋子京詞有紅  
杏秀才  
之目

塞下曲

征人三十萬一夕度龍沙北望天山迴南臨斗柄斜  
含月影寶劍拂霜華會見烽煙靜饒歌入漢家

幽蘭禪院東西蓮禪師

連雲高閣鬱崢嶸俯接澄潭百尺盈竹映簾前分曉色泉  
流石畔起秋聲初聞仙梵空堂細卻聽疏鐘下界清爲愛  
當年飛錫地中宵長對月華明

登南屏

攜屐南屏四望寬凌空高閣俯清湍風生古渡千帆急雨  
溼秋林萬壑寒碧波濤當檻出滄江煙霧隔城看百盤

樹杪飛流挂有客登臨興未闌

曹鑑仁字馭先號穀山金山人監生候選州同有海棠

書屋詩藁

胡雲佇曰穀山隱居樂道杜門撰述以吟諷自娛暇輒從田夫野老話桑麻課晴雨葛巾野服風致灑然久之成田家詩二十四首自鉏種以至穫輪分題各詠能狀農家作苦不愧幽風小雅之遺

田家雜詩

諺云四月天陰晴最難作蠶桑及豆麥其性有好惡瀕海無桑麻豆麥乃本務收之須及時莫爲陰晴誤晨出碩中田抱歸日已暮廣場恣堆積不妨越宿露攢牀與連耒簾把諸農具家人分執事留精麤使去所防風揚沙更畏雨成澍金氣未堅甲生芽一似怒水壯陵土母爲食致泄吐勤惰爭一刻此苦欲何訴

八月露華白早禾漸可登晚稻亦欲秀寒暝貴相應氣熱  
漿易涸過冷漿難凝不凝實乃細涸則秕相仍兩者禾之  
病其耗匪斗升更慮暴風雨阻勢恣憑陵花開不得縮穀  
脫如騫崩安得日和煦穎粟垂青塍風雨符五十萬寶效  
其能坐候腰鎌出負任如勿勝比屋黃塵滿勞苦安足矜  
農富恆有餘農貧恆不足七八月之間青黃不相續屈指  
望秋分新禾未盡熟捋摔向清晨婦子趁日暴氣溼安卽  
堅微火逼其族春之及簸之爲飯僅得粥所以忍食者聊  
以救枵腹吁嗟光完好粒粒滿車籠非時急取之十不存  
五六窮黎無奈何食之恨不速自憐一年勞且免兒女哭  
人言田家樂我言田家苦苦樂本無定材力有良窳贏者  
得其三絀者失其五此外正平等僅足持門戶嗟彼貧窮

者日日食如偃操券領工本一釜歸一庾經年犬馬勞不足償田主肉去創益痛此苦不勝數借債種荒田老死安能補

曹鑑微字微之一字夕可號念劬晚號南村丈人嘉善人諸生有南村雜詠

黃退菴曰念劬與魏東齋穀山爲世外交結夕陽吟社好事者繪三老圖以傳

邊詞

春入中原花滿枝邊庭春盡柳無絲交河三月方開凍流到家鄉恐亦遲  
黃雲萬里雁橫秋紫塞千山擁戍樓積裏月明人盡望笛聲吹徹古涼州

任鵬字培風江陵人

詩話培風負奇不售嘗入蔡憂庵將軍幕從南征多所贊畫事未竟而卒遂不及敘勞

### 月夜書懷

月色如湖水幽光冷竹牀  
懷人雙淚溼作客五更長  
燭影搖空壁礧聲碎曉霜不須怨  
飄泊今夕始他鄉

### 師次辰陽道中

春漲初添後谿流  
濺杜蘅盤山憐馬力  
占雨辨禽聲萬里  
伏波地三軍挾纜情  
桃源去漸遠回首暮煙平

### 許國煥字天章武岡人拔貢有南村集

詩話武岡在明為岷王建府地季年桂王稱號又於是駐軍平西亂起亦以其地險要力戰相爭故先後被禍最劇南村有敘哀詩述癸未至己未三十六年事甚詳盡

### 登金城山

古木長雲裏盤迴出幾重  
夕陽連眾壑空翠滴諸峯  
石倚

蒼藤立泉從碧蘚封誰攜驚世句天闕問春容

行溪上偶至野人家

春風隨坦步曉日綠溪邊藻動魚衝岸山明鳥破煙貧家  
稀餽問野老忽周旋已覺和光裏遲遲近午天

南樓懷古

城郭遙臨北斗懸蒼涼長慨暮雲天只今老豎樵薪日正  
想從官引仗年亡國社存秋色外登樓賦就夕陽前金輿  
石馬賡陳跡滿目悲風散紫煙

李嘗之字伯艱平江人諸生有布帆夢綠陽臺諸集

詩話伯艱自號五視居士慷慨有謀略嘗佐蔡綬遠  
幕雲南平辭不受賞綬遠厚贈之盡以散所識貧乏  
者久之卒於家

白雲洞

聯珠詩話卷五十一

古洞懸巖上煙蘿十里陰迷雲無鳥度絕壑有龍吟津阻  
南陽問臺經許令尋此中親舊絕書信久浮沈

楊誼遠字正伯昆明人諸生有孤雲居稟

詩話正伯詩尙氣格早年值平西之亂詩有云哀鴻  
驚避弋急鹿誤投林又云居人煙欲絕獨犬暮空歸  
皆避兵威  
楚時作也

樓山道中

浩歎終何極悲歌未得休長星歎短劍暮雨送清秋寥遠  
殘村落敬斜古戍樓生涯迷定在應共野雲浮

彭印古字心符號棲霞蒙化人諸生有松溪詩集

詩話棲霞爲吉安彭文憲時裔孫改籍滇中平西亂  
時脅以官不受隱居山中卒時年甫三十二同時不  
汗僞命者尙有鶴慶李毓奇趙  
川馨敏皆有詩入滇南詩略

題王中孚寫意

千峯秋色寒冷翠生枯樹疏林挂夕陽黃葉吹滿路悠然  
多古意我欲此中住

夜泊

雲散雨初晴漁燈數點明遠鐘敲旅夢落葉帶秋聲幔卷  
星皆動波恬月不驚有懷空擊楫感慨壯心生

秋興

林密秋陰遠寒風落井梧烽煙四望起天地一身孤白石  
牛堪飯黃金駿不圖長歌歸去晚明月待人沽  
將晚多秋色楓林醉葉丹天隨雲變幻人共月孤寒筆硯  
生涯拙詩書氣味酸愁懷無可遣獨把劍來看

晚歸松溪

隔橋松影淡冷翠點雲根樹色飛嵐氣山容帶雨痕霧深

多失路葉落不藏村迢遞歸來晚剛同月到門

贈白溪漁者張子正

一蓑一笠一壺春載入煙波醉白蘋溪底有天常釣月舟  
中無地可容塵扣舷高唱雲山響倚櫂安眠魚鳥鄰何事  
彼蒼偏厚汝慨然相放作閒人

沈欽圻字得輿長洲人諸生

生祠

虎邱七里塘生祠何纍纍椽棟高入雲丹雘紛陸離連牆  
與接牖屹然豎豐碑下承以纍纍上蟠以龍螭華文表德  
行大論抒猷爲某公居官日曲折行其私析利如秋秧忘  
卻民膏脂文中頌清節飲水邁伯夷某公居官日斷獄無  
矜疑五刑任喜怒罔卹童與耆文中頌仁愛臯陶爲士師

周覽諛悅文一例慚惡辭舊有遺愛人行政介且慈行如  
打包僧蕭然去官時士民走相送各各涕漣洏誰爲建祠  
宇惟留後人思好官無生祠墨吏有生祠好官與墨吏行  
人知不知

贈徐元歎

少年爲俠客萬金散盡不少惜中歲爲詩人遠之楚澤哀  
靈均歸來慕隱者脫棄浮榮如土苴晚歲依空門庵名落  
木歸本根我來訪君荒山裏留客晚餐烹菊杞夜寒襍被  
擁繩牀月滿空堂疑積水不是尋常話箭鋒生平披豁見  
心胸卅年無限悲涼事付與晨鐘暮鼓中

鄭典字子韶餘姚人有友陶居士詩集

詩話鄭氏家本義門散處江浙子韶籍隸姚江其裔  
再遷樵李子挺不羣有秦濤居士詩孫炎清渠有雲

杖山人詩嘉慶間合刻炳也贊善亦其諸孫  
以文學有聲乾隆朝通德之門其澤遠矣

張山人畫松歌

高堂雲氣晝漠漠四壁陰森滿邱壑知是山人十八公蒼  
鱗紫甲紛披落一株如屈鐵瘦骨峻嶒蘚皮裂兩株如老  
龍尺幅飛騰雷電掣朱明赤帝烜南訛烈日未得鞭羲和  
耳邊恍有翠濤出置身忽在嵩山阿觀者無言俱動色絹  
素淋漓滿煙墨羨君腕底有徂徠那數秦封與漢植吾聞  
古來畫古松能者無過偃與宏精神入微妙化奪天地工  
後來好手誰可比雄姿齒峯將毋同千年茯苓下結實此  
圖莫放仙人入神物由來鬼欲偷玉軸金箱好收拾

送人之楚

愁眼看君發荒村野水昏獨慚花置驛相送月侵門楚雨

關情思湘波總淚痕由來惟此地遷客易銷魂  
戴碩字孔曼號霜崖桐城人諸生有小園詩

鐙下書懷

照影一鐙紅高吟四壁空風清寒雨後蟲響樹聲中得病  
詩應懶牽懷酒亦慵懸知孤枕上夢繞白雲峯

李其永字漫翁宛平人有賀九山房集

西興旅次

一天月色大江流半夜西陵古驛樓道是側身天地裏祇  
憑穩睡酒壚頭年年逐雁無留迹處處吹笳抵送秋回首  
故山人自去暫將書信附行舟

不寐書懷

夜冷鐙難亮拋書理敝裯欲將前史闕夢與古人論曠感

無千載浮生等一塵雞鳴頻喔喔不寐轉傷神

惘然得句

過去春光興已非蕭然環堵閉柴扉蓬蒿徑野辭車入風  
雨天寒斷鳥飛薄醉未成重蕢酒落花時下更霑衣此中  
寂寂原忘世莫怪京書到更稀

孫芝禱字文徵號蝶僊磁州人貢生有腴古齋集

牛山遠眺

天爲人間作畫圖南巢爭說小姑蘇登高四望真奇絕三  
面青山一面湖

陳寅字靖共大興人有主一堂集

金陵懷古

虎踞龍蟠古帝州長江依舊東東流六朝歌舞秦淮月百

戰興亡燕子秋宮闕齊梁迷故土亭臺王謝總荒邱年年  
畫舫游人醉誰聽中宵杜宇愁

過勞勞亭

一望斜陽起暮煙荒亭餘址草連天驪歌久已消官道斷  
碣空存紀晉年入眼江花傷過客懷人春酒滿離筵依依  
尙有長隄柳幾處臨風倍黯然

俞瑒字犀月吳江人

沈歸愚曰犀月精心獵古秀野顧太  
史選元詩初集兩人共商推者也

田居

仕宦非吾分力農恆苦飢閉門多感懷出門又何之散慮  
南林下徘徊傍清池芳春二三月草木含華滋澤蘭被幽  
渚桑柘低柔枝鳥鳴叢薄間魚戲生漣漪輕風颺微薰坐

久不知疲遙見荷鋤者行行向東菑良時既云爾人事亦  
有宜會須各努力勤惰當自知行思耦耕計無令悔失時  
歸來陌頭路草露方沾衣

吳菘字綺園歙縣人有娑羅草堂詩

集明州司馬靳公大柏亭

平生知己真不易安邱

謂新安郡丞曹公

北去公西適雪照秦山

雁帶書夢魂夜夜高平驛忽來赤堇駐旄旌四月蒲帆愜

良覲老柏霜皮溜雨寒饌玉調金晉瓊液日斜引我展琅

函紙是澄心書鐵畫

宋鑄書

煙雨娥江大米圖

米老娥江煙雨圖松

雪蕭疎寫拳石

趙吳興枯木竹石

宣和圖史紹聖書開卷古香紛

藉藉大雅不作吾道卑公坐樓頭俯百尺秦青忽奏隴西

歌一聲吹裂梅花笛人生聚散都晨星秦越循環總行役

何年玳瑁更開筵渭城甬水新都客  
鐙前強盡手中杯夜

半寒江山月白

時王大席先生之任沅陽

### 寶山行

冬青鬱鬱空山裏種樹何年星在尾  
餘哀散作冬青引弓  
劍橋山飛不起月黑林昏鬼搏人  
捧香天騎寒食死玉魚  
金椀出人間蘭亭玉匣亦如此  
獨憐竺國經可哀六帝園  
陵一日毀嗚呼國家養士百年中  
剩得遺民號蒼穹杜鵑  
聲碎巖花落片雲飛出越江東  
銀牌竹夾歸何許白石編  
同晞髮翁欲令殺青徧宇宙  
長與茲山高從龍

前年重梓白石樵詩

### 送栗亭汪君歸新安

禹穴空濛濛溟渤恣遐矚  
攜手蒲帆前瀟灑閱眺胸  
天風吹紫濤扶桑朝一沐  
人生轅下駒跼蹐二毛禿  
此行既超

明倫彙編 家範典 卷五十二

越所遇盡敦篤故人氣誼真此道託空谷石榴蕉花紅渚  
白菖蒲綠客中看客歸胡以慰幽獨養親三畝園定省疎  
半菽寄君雙羽翰中心若轉轂森森江雲馳片片歸茅屋

### 馬潛字仲昭桐城人諸生有宕渠叢稟

詩話仲昭事熯母至孝跣步不離者三十餘年與兄  
伯逢以文章道義相切劘學問博綜詩於平淡之中  
具有奇逸之氣張文和公序謂其少以聰慧驚里閭  
下筆灑灑數千言每追摹古人其意度波瀾幽奇突  
奧無不曲肖乃不幸蚤死以荆公之銘深甫況之  
而又以其所存者終不能廢為有賢於深甫也

### 卽席送藻如南海祝如西江之役

蚩尤舊向珠江出旬始曾經玉枕橫兩地故人新建節二  
難遠道各尋盟吾儕須裕匡時略此去羞為乞米行擊汰  
揚舲風雪裏可堪中澤斷鴻聲

### 送質宜之館鍾離步江紹聞韻兼寄家兄

匝歲瘤齋入夢頻未能聯轡想音塵陸雲東岳難爲弟應  
瑒南淮幸有人此去觀魚濠水上定同浮白洞庭春家書  
漏處君知補絮語連宵嚼五辛

峽口道中

晨出上東門迤邐來峽口兩山夾人高到此如戟手一關  
當其中密樹光冥黝所以吳朱桓伏師殲魏醜地利無古  
今有險在能守明末盜如毛垂纛肆流走

重晤王仲扶有贈

龍眠柳色黯河梁煙瘴黔中點鬢霜九載各憐猶故我一  
尊相對且他鄉天桃豔豔春風靜古柏森森白晝長執手  
早愁分手易窗前飛絮又茫茫

羅山柴橋老尼歌

肩輿偶憩柴橋旁茅庵老尼面槁黃頭垂齒豁手搖杖延  
客舉止殊安詳問渠合是良家子塞默久之紛涕泗君不  
尼詢尼不言知君欲識滄桑事尼生神宗最末年阿舅總  
戎威北邊夫婿翩翩美冠玉雄才逸藻揮雲煙猶記于歸  
百兩時燭花溢路照旌旗甲第連衢田越境家僮三百供  
指頤爾時邑號繁華窟橋下千艘聯萬筏翠幃金鞍漲畫  
塵嬌絲脆竹嘈宵月一朝旬始莽縱橫治世王與紫薇星  
銜枚夜半登陣再火光燭天血刃腥吁嗟乎狂賊兇殘越  
千古君若聞之淚如雨老瘠鮮烹解甲羹小兒嚮貯登鞍  
脯可憐尼臂斷霜鋒匍匐深藏白骨叢偶然不死彼蒼酷  
家破夫亡一夢中迄今八十人誰識寒無結鶉飢無食苑  
枯不敢憶從前卅年老淚對君拭

塔山

夙聞塔山勝筇杖拄朝暎陟巘四五重一徑萬綠繁曲澗  
清可鑑琮琤鳴雲根陽坡敞古寺傳有唐梅存寺北恣幽  
討風磴藤蘿捫兩石相倚薄中虛成一門小憩羣鼓勇復  
訝怪石蹲偃蓋二丈餘獨不藉坤元下劣通人行頽勢尤  
驚魂斑駁呈眾色片片雲霞痕拾級體欲疲兩亭倏高騫  
晴嵐生杖底近峯皆兒孫荆豫及吳山黛色如繚垣義水  
帶其趾點綴桑麻邨應接無暇日徙倚澹忘言所見過所  
聞爛漫傾芳樽

俞綬字去文號澗影宣城人諸生有澗影詩集

送愚山先生秉憲江右

畫船鏡吹起蒹葭奉使眞同八月槎雲樹匡廬千笏擁煙

波彭蠡一帆斜似聞傲吏仍丹筆應有門生隔絳紗懶慢  
故人驪唱後秋風秋雨小山花

曹峻字上衡金山人有嚶鳴軒臺

野望

極目蒼茫裏商飈動地哀斷雲低野樹落日照荒臺遠渚  
沙鷗宿長天塞雁來干戈知未息回首獨徘徊

宿晉陵驛

迢遞關河此舊游布帆仍向夕陽收千條碧柳臨官路幾  
點青山出郡樓風引玉簫牽客夢月移銀漢照孤舟停橈  
莫話當年事白愧浮名逐水流

安駿命字聽之無錫人有古香齋草

早春雪霽過靈酌泉贈玉瞿上人

地遠塵囂隔名僧闢勝多  
梅留殘雪在鐘帶亂雲過  
汲澗龍潛鉢聽經鶴下坡  
蒲團剛坐徹新月挂藤蘿

吳麐字仁趾休甯人

和宋秀才詠折花

今朝蝴蝶多南園花發徧  
佳人競攀折新妝何婉變  
葉低防冒釵枝高羞露釧  
甯辭纖指勞但恐牆東見

舊游

舊游最憶三茅峯往來采藥多  
仙蹤菖蒲潭上花紫茸句  
漏井內丹砂紅朱顏好駐不肯駐  
是時只貪山水趣誰知  
一別年向衰幾日浮生悔虛度  
逝將重訪煉金人昨夢華陽洞中去

懷吳野人先生

伯鸞居廡下元亮老籬邊隱矣吳夫子高風齊二賢賃春  
常作客采菊始歸田想見行吟處溪流繞數椽

送陳射文出關省親

北望雲山氣早秋煩將一語慰邊愁時清屢見生還客會  
有恩波到白頭

江剡字東山嘉定人有拙巢詠物詩

新燕

年年逢社日燕燕到江鄉門巷誰芳草人家自夕陽花翻  
珠箔雨泥認畫梁香無限重來感關心謝與王

秋草

眾芳向衰歇小草亦淒其人老西堂候香銷南國時感恩  
空輦道傷逝舊庭墀憑仗寒松柏冰霜好自持

殘書

宛委嬾媛竟若何一編零落自吟哦  
卷中芸葉香銷久紙上神仙字失多  
塵篋丹黃先澤在破窗鐙火壯心磨  
等閒鄴架藏偏富萬軸如新手未摩

黃儀字子鴻常熟人有紉蘭集

詩話子鴻精學輿地與顧景范同稱絕學徐健庵尙書修一統志賴二人之力為多其詩宗晚唐是馮鈍吟一派

歸途卽事

布帆閒挂夕陽斜  
歷歷煙村樹半遮  
四野黃雲鋪稻穗  
一溪白雪漲蘆花  
烽消遠嶽無嘶馬  
社散叢祠有噪鴉  
滿眼江鄉好風景  
錯將書劍寄天涯

蔡綦春字大美又字象山號芹溪宣城人諸生有來諗

居詩

喜談長益方爾止枉集草堂

輕舸先後自蕪江謝李如招客到雙顧我草堂花滿徑留  
君春酒月移窗舊交墓木俱成拱新接鬚眉各已龐只恐  
相逢還易別更闌小坐對銀缸

梅枝鳳字子翔宣城人有石軒集東游草東渚詩集

贈別朗先上人兼訊沈耕岳夫子

知君湖海意多爲亂離堅客路看秋葉江樓起戍煙歸家  
言拜母浪迹豈逃禪此去蘭溪上孤懷好與傳

伏生墓

九十傳書老博士鄒侯故國有遺蹤豐碑不復遭秦火孤  
墓依然是漢封麥秀平疇深雉雉山空隔嶺遠鳴鐘只今

祠廟荒榛裏丹壁輝煌照古松

楊青藜字祿客號石民濰縣人副貢有石民詩藁

詩話石民博綜羣籍嘗以詩為安邱劉憲石相國所知石民貽書力規之勸其引退劉不能用遂及於禍石民晚移家安邱究心洛閩之書年九十四卒

泛海宿芙蓉島

萬頃連敲權虛空逗眾靈波翻龍氣黑日落蜃煙青蝶夢  
迴孤島鵬帆挂遠星更疑閭闔近天樂下滄溟

過周匏菴汶上舊業

汶水橋東處士家漆園深處滿煙霞到來竹閣涼如水繞  
徑空餘枳殼花

馬常沛字竹船安邱人諸生有春草堂集

宿南部贈端衡李丈

四圍峯欲合一徑得山村黃葉全遮屋清流近到門煙嵐  
秋色好邱壑老人尊雞黍能留客桃源未足論

九月晦日西園分韻

攜筇迤邐上沙隄秋老名園萬木淒細徑常隨松曲折孤  
亭直界竹東西尋幽愛向空林坐覓句閒從落葉題杳靄  
青峯看近遠晴光十里野雲低

趙作肅字齋如號子雍益都人有見山堂遺詩

秋草

萋迷仍是舊蓬門獨有寒螿擁露根已斷池塘春夜夢空  
餘野燒古原痕遙連紅樹干林色猶藉黃花九日樽曾是  
昔游人醉處不堪霜冷憶王孫

董道東萊陽人有千仞閣詩南游集

山居

那知春欲盡石徑落花迷  
窗靜松濤遠簾開月影低  
山翁能策杖野鶴自幽棲  
園圃少人迹蒼苔綠滿隄

尤翼宗字石髮號雪崖章邱人諸生有雪崖山人詩

寄陸石齋先生

南望江雲暮名泉何處流  
吳城泰伯樹楚雨晉陵秋  
老去留滄海歸來逐白鷗  
太湖如可泛誰共木蘭舟

暮春

一聲嗁鳥夕陽斜寂寂空亭數落花  
春不戀人將欲去小樓疏雨在天涯

王道直字子端鳳臺人有磊園留草

夜雨有懷

冷風吹幕影碎雨響蕉聲伏枕纔成寐猶來夢裏驚

張天保字陵川榆次人

游白雲山

臨水如無水登山不在山誰人能識此我意自空閒  
酒向松間煮詩從花下刪柴門何用閉留待白雲還

郭振遐字中州臨汾人有禹門集

旅懷

昨夜窗櫺月一痕淒涼偏照客中情關山遠隔三千里  
愁聽梅花玉笛聲

聽濤亭詩

平陽郭居士來築聽濤亭他日西山上長松萬疊青  
馬槎士字相九同州人貢生有白樓存草

冬陰

天地三冬半風煙萬里孤重陰暗海岳遠霧失江湖蕭瑟  
年光晚崢嶸歲事徂形容吾漸老大業任荒蕪

登潼關城樓

歇馬維芳樹登樓雨正晴河流當晉曲山勢入秦平浪打  
關門險砂浮驛路明西京多事日不見棄繻生

同諸兄弟游聖壽寺

野寺同游處秋光雨後晴空階疎樹影古木亂蟬聲客至  
僧還定時危境自清暫來忘俗慮共坐夕陽傾

侯仁朔邵陽人有成趣園詩稟

郊行

好路何曾有無端出里門詩隨秋草陌愁入暮鴉村不飲

難謀醉耽游易斷魂臨風忘坐久細月挂黃昏

葉奕苞字九來平湖人

過樵李訪曹秋嶽先生不遇

誰識蹉然空谷音鴻泥重印費追尋蠹應驕我藏書穴雀  
似知公閉戶心數驛江淮歸路近半庭雨雪過年深相攜  
不少龍門客惆悵雲封翰墨林

陸振淵字靜九號躍庵嘉善人諸生有魏塘百詠

水月禪院

煙水彌漫際玲瓏構一菴浪高翻鶴渚月轉印龍潭幡每  
空中舞禪宜象外參緣知名利客淨土未曾探

郁永河字滄浪仁和人諸生

詩話滄浪嘗以佐采硫游臺灣採番社風俗爲竹枝  
詞頗多前人記載所未及者風謠所播光景如新亦

足以資  
感慨矣

疏穴

造化鍾奇構崇岡涌沸泉怒雷翻地軸毒霧撼崖巔碧澗  
松長槁丹山草欲然蓬瀛遙在望煮石迓神仙

五月行人少西陲有火山孰知泉沸處遂使履行難落粉  
銷危石流黃漬篆斑轟聲傳十里不是響潺湲

陸霏勳字漢章平湖人

送王東巖大令

五年威鳳借卑枝黃紙遙傳檢紫芝跪地柳絲迎去馬撲  
人花片泛離卮姓名早動臨軒問劍珮真從列宿移他日  
螭坳簪白筆御香濃染傍丹墀

柯宏本字聿修嘉善人監生有鼓應初編

客瑞光精舍重過尉堂大師方丈

今朝少人事重到尉公房野水正趨壑楓林初下霜餐餘  
筍蕨供袖拂旃檀香余意亦何託巖前興不忘

春郊

草細風微二月天每從雨後過溪邊春流好待桃花漲社  
日初看燕子還楊柳渡頭低夕照麥苗隴外起寒煙登臨  
自昔多良會何事空嗟物候遷

劉清字祛塵浙江山陰人有墨池詩集

偶書

愁是秋所成經春偏愈劇耿耿有物存驅之寡奇策雖或  
聽流泉泉聲更淒激思欲凌風翔而不生羽翼庶幾學神  
仙聊用展胸臆

神仙則謂予君計胡太迂靈瓊頗偃蹇玉京亦崎嶇三萬  
六千日疾於箭脫弧鍊汞事丹砂幾人得其珠烏申而熊  
經徒自瘁厥軀

月夜宿雲門寺

攀蘿陟層巒投宿遠公宅眾鳥不聞聲悠然夜方寂一規  
月破雲流輝照虛壁蕭蕭松影寒皎皎山光白蛩號露草  
清猿嘯煙林碧我心素愛閒此來愜所適逝將謝塵煩永  
伴棲元客

謝德宏字子實晚號龐舟叟南豐人有龐舟集

登悠然樓

何須郊外覓林邱車馬喧闐境自幽鐘鼓聲傳無吏至風  
帆影過有江流到牀山色開青眼入夢花香笑白頭不似

桃源迷故路武陵漁父得重游

涂始字脩人天門人

夜歸

水聲離闌小燈火隔林微驟雨移山去羈人趁夜歸村因  
滑徑遠星爲溼雲稀遙想溪橋外蒼煙冷竹扉

襄陽南樓作

賦罷高樓對夕暉途窮歲晚悵誰依碧雲紅葉鄉關遠白  
髮青衫故舊稀野戍秋深花盡落中原日暮雁孤飛西風  
莫遣嚴霜下客在天涯未授衣

黃道開字圮書漢陽人諸生有培風堂集

春望

愁極一高望輕風卯色天美人孤嶼外春夢落花前徑暝

迷蝴蝶山晴響杜鵑此中誰可共顧影自踟躕

李必果字仁熟漢陽人諸生有穩帆集

京邸與程石門話舊

猶是長安道重逢淚滿襟所嗟人事改非爲客愁深握手  
無多語相期獨此心詩名傳輦下不用碎瑤琴

陳之騷字桃文攸縣人貢生有烏孫集

吉王府遺址

寂寞龍孫去蕭條鶴苑空掖庭存夾道孤殿受斜風草色  
傷春綠殘陽覆地紅遙遙北隅上猶見數株楓

彭廷梅字湘南攸縣人官河內縣丞有擊空吟

詩話湘南爲紫瓊道人客承教輯國朝詩選嘗有句  
云二三宦豎輕傳語王在牀前自檢詩卽此時作也

冬初同謝皆人韓欽甫侍慎郡王貫臺應教

聯珠詩集卷之十一  
三  
虛空靜無塵微風動修竹疏影瀉翠陰簌簌聲斷續短景  
延冬晷野徑餘秋菊相對澹忘言千古成香谷

南徐從舅氏陳滄洲先生看月和韻

元霜搗得色淒清珠比精華玉比瑩幾向人間分晦朔方  
從天上見虧盈龍光氣肅金山寺海水氛迷鐵甕城我欲  
憑虛凌斗極頻招子晉夜吹笙

黃應蘭字紉生號漪園饒平人諸生

旅思

浮踪泛梗一身輕落落難勝客路情秋夢飄搖成鴈影天  
涯愁寂但猿聲孤城落日行人遠古道西風倦馬鳴雲裏  
帝鄉方入望肯將仗策負平生

陳周禮字心之號癡山廣東海陽人有自怡草

游丹砂寺

幾曲橫塘路尋游到上方  
侵階芳草綠落壁燕泥香  
佛貌依山古鐘聲帶月長  
名心此俱寂幽興託空王

陳藝衡字博之號寄亭廣東海陽人有愛園草

偶題

攜手東橋話未休  
可堪回首作波流  
月明猶憶花前夜  
風冷難勝竹外秋  
剔盡蘭膏希入夢  
披來玉版倦書愁  
芳踪別後無尋處  
一任蒹葭白滿洲

聞笛

美人捲簾坐初月  
照林寂時見亂松間  
清風數聲笛一聲  
牽一絲凌空寒欲滴  
頃刻愁紛來連宵理不直

山中訪舊

不辭途九折獨向此林間一樹看人老孤雲仍自閒泉聲  
涼到楊草色碧堆山攜手巖深處月高話未還

和硯村姪暘村卽事詩

深林人靜野花妍雲裏相留欲暮年暫出新詩開笑口休  
題生事到荒田約尋梅過鄰村路遲載酒來臘月天溪北  
漁翁曾舊識重游不用買舟錢

周瓚字黃在大姚人官翰林院孔目

柳絮曲

點點覺春深飛飛恨不禁露霑疑妾淚風散比郎心曉月  
隋隄畔殘陽灞水陰年年飄蕩處腸斷白頭吟

晚晴簃詩匯卷五十二終

晚晴篋詩匯卷五十三目錄

熊正笏 一首

彭始奮 二首

高之駉 二首

湯準 一首

吳霞 一首

陳維媚 六首

馬瑜 一首

王生荃 一首

嚴泓曾 二首

朱昆田 二首

龍震 一首

劉芳洪 二首

熊良鞏 一首

張大法 三首

趙威 一首

王景琦 一首

張毛健 四首

潘鍾麟 二首

魏周琬 七首

安期 一首

佟世臨 一首

袁啟旭 三首

曹重 二首

黃九河 一首

安璿 四首

袁養 二首

楊還吉 二首

徐田 二首

于式敷 一首

李生光 一首

周以忠 一首

衛京 一首

劉梁楨 一首

王衡 一首

路一麟 一首

樊必遴 一首

張謙 二首

藍漣 二首

蔡衍鏡 三首

錢奕 二首

趙端 二首

曹三才 一首

王法 一首

張琳 四首

楊瑯樹 四首

劉遑俊 一首

蔣魯傳 一首

李熾 一首

謝天墀 一首

彭心錦 二首

鄧士璣 一首

彭一楷 一首

王元復 一首

車无咎 一首

陶烜 一首

劉祖啟 二首

何震 一首

梁素 一首

王燦 一首

楊暉吉 一首

王烈一首

長卿吉一首

何武一首

梁燕一首

劉歆一首

陸璣一首

王叔倫一首

車天谷一首

趙士安一首

趙一龍一首

潘安一首

潘安一首

蘇軾一首

蘇軾一首

晚晴謔詩匯卷五十三

徐世昌

熊正笏字元獻漢陽人有擷藥亭集

詩話元獻爲次侯學士子幼承家學流連文酒一時目爲佳公子二子祖旂魯觀祖旆武安亦皆能詩

過舊村將移居

松竹依然覆短牆  
疏籬土銼舊風光  
時平莫問逃秦路  
歲儉還餘辟穀方  
萬卷詩書銷歲月  
百年經濟付耕桑  
隆中誰解吟梁父  
秋水蒹葭正淼茫

彭始奮字海翼號中郎鄧州人有娛紅堂詩草

鎮遠舟行

秋陰望不極  
村落夕陽生  
霜葉偶然積  
沙鷗無故驚  
煙消山漸出  
江狹水難平  
共喜武陵近  
乘流堪夜行

過張睢陽故里

半壁河山百戰殘興亡從古見君難逢人肯自談天寶遺恨何堪憶賀蘭戎馬郊原臣力竭關山笛裏陣雲寒淒涼往事應如昨故里蕭蕭不忍看

高之驥字中洽淄川人諸生有強恕堂集

詩話仲洽爲念東侍郎子與弟之驥柴巖皆能詩克世其家

卽目

薜蘿無恙屋三間白帝寒深花漸刪賸有東籬沽酒地西風紅樹露秋山

小卧花陰效竹枝詞體

墀邊柳影竹邊風夾竹桃開一樹紅小院無人驚午枕覺來身在落花中

湯準字穉平號介亭睢州人有臨漪園詩集

詩話穉平爲文正季子詩境清妙異於擊壤未流

知擴軒閒眺

知擴軒頭少往還登臺縱目足怡顏池邊垂柳偏宜月牆外高城可當山夢裏身名終是幻壺中天地本常閒自無俗客來幽徑何事呼童日掩關

吳霞字天綺蒲州人貢生有青蓮閣半氈廬詩集

詩話天綺爲蓮洋弟寒食一絕神韻不減於兄

寒食次韻

兩度清明不在家今朝寒食興偏賒東堂舊種雙桃樹昨日風前齊作花

陳維帽字半雪宜興人諸生有亦山草堂遺藁

詩話半雪爲其年檢討仲弟磊落振奇嗜酒  
不治家人生產詩亦不事雕琢自然俊朗

村居雜詠

依依墟落裏作息皆農家柴門鬧鵝鴨園場種桑麻雞犬  
各熙熙風俗非浮夸沿門水一灣碧樹漾明霞時見釣魚  
者持竿來日斜予亦忘機人對之樂無涯

新雨長禾苗老屋覆古瓦耕罷犝牛閒橫眠綠楊下今歲  
膏雨多田水日日瀉農夫鼓腹游桔槔可無假安穩慶西  
成蜡臘酒堪把

江南秋思

昨夜西風起江南秋草長良人新出塞蕩子未還鄉畫角  
邊烽白樓船海氣黃南來有鴻雁先到鬱金堂

聞鐘

月落烏嘒後其如酒易醒五更誰獨省百感我曾經敲斷  
霜林寺聲傳雲母屏年年離思攪不異客舟聽

新雁

十二樓中錦字回蕭湘極望正堪哀漢臣音信經年隔江  
岸寒花幾日開霜冷金椎關外到秋高玉帳月中來極天  
兵甲愁如此嘹唳還過何處臺

懷四弟子萬入贅商邱

雲樹蕭蕭獨倚樓飄零骨肉黯離憂最憐弱弟逢多難新  
作孤兒更遠游日落夷門千騎隱雪中嶽大河流遙憐  
坦腹邨家壻幾度吹簾起暮愁

馬瑜字子握鄒平人

詩話子握宛斯  
子能世其家學

春日郊游因登會仙山

入山處處是桃花好鳥春鳴不厭譁  
風靜野湖漁棹穩雲連村樹酒旗斜  
登臨且喜身猶健疎放何妨老更加  
一上高峯真曠絕醉歌明月吸流霞

王生荃字信芳衡陽人諸生有芸者韻語

詩話信芳船山孫虎止子詩  
掘強力避庸熟猶不失家法

擬宿馬維則蔬齋從小灣更上三里呼渡不得沿流

取歸道風甚強自操舟困頓始得泊

江樹江村繞似環平沙何處問前山斜陽挂樹催鴉急野  
岸橫舟似鷺閒游履更探楓柳徑茅齋故在竹林間無緣  
驅遣風波惡只隔伊人水一灣

嚴泓曾字人宏號青梧無錫人有青梧集

其曾醉菊

顧復初曰青梧爲藕漁子幼有羸疾弱不勝衣其  
詩如秋水芙蓉蛻出風露工平遠山水尤善人物

早春雜詠

病起從容卧幾旬小窗風日漸知春寒多遲蠟看花屐歲  
儉先飢鬻畫人委化蜉蝣天地闊忘機鷗鳥性情眞朝來  
思與支公話索茗閒房坐一巡  
豈緣耽靜得丹邱自愛城隅竹石幽山起曉嵐銜粉堞花  
迎朝日見紅樓藍田春滿生煙暝珠樹風微結實稠不向  
簾前聽玉笛夢醒何處看羅浮

朱昆田字文益號西峻秀水人有笛漁小橐

詩話西峻能讀父書時稱小朱十才而早世竹垞爲  
哭子詩甚哀檢遺篋得西峻鈔纂之本爲跋語謂西  
峻非聖人之言不道老淚何日能乾言尤沈痛又  
嘗選唐大詔令西峻爲手錄今猶有傳鈔本云

清溪訪南亭

花深疑是避秦村，映竹臨溪見笑痕。  
破屋數間堪送老，晴山九點正當門。  
秫田未買巾無酒，菜圃初治芥有孫。  
歸去南湖欣共載，船頭落月已如盆。

送客子歸平湖

悵斷家山未得歸，深秋作客計全非。  
霜楓落後烏菱老，稻熟時黃雀肥。  
小榼三升傾別酒，新縣一稱補征衣。  
輕鞭短鐙輪君決，冷夢空尋舊釣磯。

龍震字文雷號東溟天津人有玉紅草堂集

黃山道中

亂石疊危路，層嵐列翠屏。  
雲林照水白，麥隴夾山青。  
雞犬無聲息，人煙在杳冥。  
溪花好顏色，隨處自飄零。

劉芳洪字虎臣號鍾洛宛平人

文殊院

策杖尋幽處沿迴松徑開秋深千樹醉雲破一峯來白日  
行深院青蓮護講臺悠然何所得身世委浮埃

冷村早行

露光湛湛散晴谿一帶沙痕印馬蹏何處疏林鳥飛早遠  
煙殘月隔村西

熊良鞏字粥士號保渡潛山人有西園遺藁

詩話粥士祖孫父子皆能詩西園詩多散佚此藁乃  
共孫文泰所搜輯僅四十七首歸愚別裁錄其思歸  
七律一首為安南國王陳益稷鄂館書懷之作見秀  
野草堂元詩選不知何以誤收與西園他作亦不類  
江甯陳上舍古餘亦選  
此詩可謂一誤再誤矣

尋喬亭遺跡與徐騎省雙溪行院碑俱不見

莊周曾論書丁字乃有尾八分周已有不自秦人始緬昔

兩粟後倉頡古文起周宣二千年中國通行此大篆變古  
法籀文傳自史李斯變小篆損益成絕技八分卽小篆聚  
訟殊可已武將乃造筆中涓更造紙不必出聖賢萬世遵  
遺軌斯也滅聖經罪不容于死此事可掩罪亦薄乎云爾  
斯誅漢隸出卻笑父似子唐朝名最盛莫過陽冰李咸謂  
李氏後騎省一人耳清峭皖公山山影落杯裏當時南唐  
衰謫居下柴里雙溪行院碑古秀世無比喬亭雙美人有  
靈亦當喜誰知金源後碑失亭亦毀迄今七百年何處尋  
遺址金石且不壽歎息循山趾

張大法字廷平號鑑亭含山人

夏夕

煩暑消清夜幽思入靜林好風時在樹明月動長吟澗曲

穿流細花深落影沈石闌貪久坐涼氣滿衣襟

望華山

曉過華陰道遙聞古寺鐘下方纔一望天外削三峯仙掌  
擎朝日蒼龍卧老松西來幾點雨變作青芙蓉

秋思同彭湘南賦

西風鳴古樹天地氣蕭森葉瘦千山色人空萬壑心清琴  
閒晝永高雁入雲沈之子不歸去幽林枉自深

趙威號書癡涇縣人

秋夜思

久不理新妝深閨最自傷秋風知妾意吹夢到君旁露冷  
魂頻警窗幽月忽光覺來仍影偶益復倍淒涼

王景琦字韓起江陰人貢生

同錢青在夜飲賦此贈別

青鐙酒數巡寒夜獨相親以我無家客逢君失路人吟魂  
消遠道堅骨鍊長貧又逐征鴻去輕車少住輪

張毛健字今培太倉人有鶴汀集

東塘歌

朝與東塘朝暮與東塘暮東塘水幽人更幽閒向菰蒲弄  
煙霧煙寒水清秋雨多涼風瑟瑟吹細波有時鼓棹向深  
處觸手驚魚如脫梭緣溪小戶垂楊裏盡日無人空倚徙  
荷花蘋葉渺無邊銷魂只有東塘水

支硎山

愛向青山把酒卮雲林從此結幽期松高路轉寺方見竹  
暗鳥歸人不知偶聽細泉尋曲折時憑孤石看魁奇誰能

乞與支公鶴汗漫隨風任所之

海漲

大塊噫氣工發舒蕩滌埃壒澄方輿如何一怒出狂怪倒  
瀉滄溟迴尾閩天吳離浪恣蹴踏手招海童推海車羣妖  
賜睨助狡獪巨鼇鼉龍呵噓初驚一髮生絕徼旋拔地  
軸傾歸墟鯨魚鏗鐘鼉鼓發千雷萬霆聲震虛卒然洪濤  
落天際狀若連峯摧積阻海鄉卑溼缺隄障此勢西下誰  
能祛已穿林麓越邱隴無論漫野連溝渠蒙衝倒側沈大  
艦椽桷屈折傾高廬神愁鬼懾悉奔竄焉免赤子羣爲魚  
雨昏夜暗驚睡魄忽摸牀席流寒淤急呼婦女挈童稚開  
戶欲走遙嗟歔足敲手輒競掣曳四望駭絕空趨趨水官  
呼名算戶口夜叉攬首供眈漁歛焉散髮冒林莽時或相

抱聯衣裾萍浮梗泛落何處會見腰腹穿蟲蛆兼聞汨沒  
盡雞犬已斃巨牯沈豪豬紛紛螻蟻等塵土此類細瑣不  
足書皇天生物豈無意要使萬族甯其居況當斥鹵地磽  
确經歲困憊窮菑畚天膏霑潤地脈發此猶未足償拮据  
爲何棄置不省錄反使黔首歸淪胥海神職卑受驅使焉  
敢違命生躄躄願申綠章訴上帝大憝早把飛廉除九關  
沈沈虎豹怒欲言不得愁何如

海漲後詩

祝融揮鞭燒下土五月炎蒸苦無雨高田龜坼低田焦塞  
口黃塵雜沙鹵風師入海驅羣龍倒卷溟渤揚高淙海濱  
赤子葬魚腹數里不見桑麻蹤皋壤無憂老農喜溝港平  
添一篙水不將泛濫愁天公但願潮痕鎮如此水車輾轉

爭喧涿渴蛟飲澗銀泉迴平田渺渺亂蛙蝮頓覺青翠紛  
成堆今年秧多不怕旱分種何妨過夏半但教十日雨一  
來會見田禾高沒岸犁鋤襍穢爭成羣擔酒餉肉何紛紛  
不愁潮退水痕落海中還起礮車雲

潘鍾麟字層峯江南華亭人有澄秋堂深秀亭兩集

同東塘中江芝仙偶飲萬資寓齋分韻

淺酌妙無意閒尋若有期閉門餘積雪撥火檢殘棋人境  
依山寂花香耐客遲居然陶謝席醉墨溼新詩

聖宏上人過訪

十載芒鞋迹雲山踏萬重何期間坐雨又忽對聽松瘦杖  
思肩雪空廊說畫龍撲塵車馬外難得洽相逢

魏周琬字旭棠興化人有充射堂集

讀史

首夏氣恢台覽書竟每晝書中多其詞檢括理必覆彼俱  
陳死人潛魂聽鞠究賢愚止兩門蹈蹠有萬構肘足韓魏  
接肝膽楚越鬪少忍俟其定鐘鳴徹盡漏吾觀古今來亟  
亟總爲救烈火燒坤原昏波汎天雷救者苟未止天地乃  
考壽

登眞州古光孝禪寺塔

窅然意無住方與青冥適騁足上浮圖盪滌豁胸臆目力  
亦不遠會其氣所翕理在萬物先江山列寥寂千年人似  
草陳根出新色下界宮室多眇矣禪中蝨經營絕頂處吾  
此有與立

夜泊露筋祠

泊船孤客倦黃昏  
寂歷荒祠夜一捫  
風破古牆猶露宿  
月漫青野與潮吞  
相逢無可投湘佩  
行路何人賦禮魂  
滔逝年年墟里異  
碧天春水薦溪蓀

秋風別意

西風黃葉點人衣  
明月高樓迴夜輝  
去住一般難可說  
悄聞天上雁聲歸

遣意

骨比虞翻知相阨  
才如靈運恨思遲  
吾生料可行休矣  
世事何須危得之  
扶植道心新有力  
破除俗學舊無師  
闔門時許人來往  
祇是同騎竹馬兒

與天甯寺僧宗可

客候秋鴻至信如  
江上潮笑爲蝸角  
道來過虎溪橋涼  
月

洗孤院妙香聞旅宵因君借神駿一看起超遼

蚤起

骨冷魂清夢寐稀曉鐘催徹自披衣花垂重露遲人起蛛  
失明河罷網歸點點孤煙生處直蒼蒼羣動定中微山紅  
澗碧思前路幾慮躊躇事又非

安期字亦生長洲人

流螢詞

熠熠流光漾水煙池亭雨歇晚涼天西風吹墮紅蕖裏照  
見鴛鴦自在眠

佟世臨字醒園上元人

戊寅秋拜先王父墓下

鬱鬱松楸蔭墓田愴懷往事淚潸然請纓慷慨終童志賦

鵬沈淪賈傅年鉤黨竟成三字獄招魂欲叩九重天孤忠  
未返遼東鶴俎豆聊分江夏賢

袁啟旭字士旦號中江宣城人有中江紀年稟

留題開元寺水閣

獨游尋往蹟亭榭失芳菲菜甲經春長魚苗過雨肥銅餅  
沈碧井石碣斷臺磯只有空梁燕年年他自飛  
雉堞層層見高窗枕簟涼片雲行木杪一鳥破山光洗石  
苔紋亂投竿水氣香幽棲如傍此不羨午橋莊

玩鞭亭懷古

郵亭一笠俯平田往事空傳七寶鞭犀甲樓船沈曉夢龍  
媒官道鎖寒煙英雄已落真人後父老能談典午前江左  
君臣總流水杜鵑風雨泣年年

聯珠詩話卷五十三  
曹重字十經別號千里生金山人

澄江旅舍尤展成見貽近刻

逢君郭璞宅雲影入江寒綠柳遙侵袂青山早挂冠一鐙  
家是夢千里月同看持贈陽春曲高歌玉漏殘

送董蒼水游粵

枕榔山下月旅舍白雲間此地堪憑弔憐君獨往還文章  
驚怪鱷書信斷烏蠻陸賈歸囊滿風流復可攀

黃九河字天濤泰州人

北上於袁浦發家書

丈夫志四方不受兒女羈苟懷萬里志勞動何足辭昨發  
海陵城今宿淮水湄附書於送徒援筆中心悲親亡兩弟  
弱支戶惟中閨水旱歲頻仍全家常苦飢官租宜早辦西

疇勤耘耔幼弟學易荒肅恭承明師回首望螺山先隴草  
離離遠行戀所生貧賤無歸期苟能行直道何懼路險巇  
長安多親舊音驛日夜馳紙短苦意長挑鐙重封題欠伸  
啟篷窗月落村雞曉

安璿字孟公號潔園無錫人有菴畫樓集

疏池

濠濮平生志疏池且自今雙峯來瀑遠一壑倚雲深亦有  
煙波色堪怡澹蕩心聊遲十年夢終向五湖尋

淮南拈唐人韻顧梁汾同賦

極目淮南水蒼茫接遠天暫辭膠鬲里同泛米家船疏嬾  
難爲客衰遲莫問年長途淒絕處雁字點秋煙

訪巖髻珠先生於湖田不遇

晚晴詩圖卷五十三  
北  
渡入蒹葭卽草廬雲深三徑俗塵疏青苔晝掩維摩室紅  
葉秋生水竹居謝客湖田常掛榻送僧山寺漫停車已知  
杖履歸來晚獨逞天風唱步虛

舊江口

望裏眞州路尙遙人煙沙市接江潮虛亭颯爽晚來坐一  
帶秋山隔岸招

袁養字大翀單縣人諸生有秋水菴詩集

依韻答仝青崖

麟閣誰將姓字標驅馳髀骨已全銷談禪說劍足今古濁  
酒清歌伴寂寥非爲仙緣尋玉杵偶逢國士解金貂流鶯  
不放春歸去猶逐薰風嘯畫橋

劉文水建牙粵東賦此寄懷

黃河此日見澄清不負當年獨請纓虎豹一囊資大略東  
南半壁倚長城無緣蓮幕親弓劍深感魚書念友生竚看  
邊防馳露布將軍海外斬妖鯨

楊還吉字六謙卽墨人諸生有味道樓集

過櫻桃巖聞簫

一溪春水綠迢迢二月溪旁雪未消行盡空山人不見櫻  
桃巖外聽吹簫

秋雨中憶范文莊出塞

燕山八月迴深秋匹馬何因作壯游磧裏行人逢暮雨思  
君遙過小興州

徐田字若木號栩野諸城人諸生有雪岱草關山吟栩

野集

中秋訪王維憲不遇

雨過滄浪秋水生  
季孫城外故人情  
柴門碧草蠨蛸網  
古巷黃蒿蟋蟀聲  
何處狂奴貪說劍  
恆來嬌女亦知名  
離邊勞爾烏龍吠  
隔市斜陽亂杵鳴

自楚歸寄同社諸友

逆旅長歌動客星  
楊花化作楚江萍  
仙人玉笛橫江夏  
賈客雲帆出洞庭  
說劍荆臺花匝匝  
吹簫吳市雨淋鈴  
親知莫訝頭毛白  
一杖全收五嶽青

于式敷字德一文登人諸生有學步草

詩話德一詩表章節義有論世知人之識家居慎交游策蹇往來文山道上悠然意遠人不知為貴公子也

弔衡州哀趙樞相也先是光宗久不過宮繼遭重華

大喪又不出成禮臣民流言洶洶幾成大亂公當  
危疑之際援立甯宗韓侂胄與有力焉心冀節髦  
公吝其賞曰吾宗臣汝外戚遭國不幸何敢言功  
侂胄怨怒嗾胡紘等誣以不臣至有乘龍授鼎假  
夢爲符之語謫永州居住至衡州暴卒朱紫陽之  
注離騷蓋爲公云

牝雞戒晨鳴光皇暱悍婦歷歲不過宮天寒且飲酒丞相  
去江亭諫官空碎首彌留飯不食喪幄誰執卣多言良可  
畏百僚棄笏走嗟哉此何時宗臣忍袖手大叫朝天門割  
死差無疚天啟忠良心定變機非偶宛轉達太皇嘉王可  
爲後御筆好從權磐石安九有授鼎負白龍祥符兆已久  
赫赫社稷功萬古茲難朽經筵半老儒新政初無醜失策

此明義言國卷五十三  
忤權奸釀禍大而厚閣門巧煬竈臺諫甘爲狗簧鼓烏白  
頭假夢言眞否僞學錮諸賢以公爲禍藪遷謫投窮荒棄  
擲同敝帚何物韓平原逢惡衡州守一死誠所欠身後公  
何有是非不可沒嘖嘖碑在口麟筆建陽翁注騷求快友  
李生光字闔章絳州人諸生

處子吟

東鄰有處子夙明烈女篇字人尙未嫁而乃失所天痛茲  
生命薄守貞期自全毀容絕膏沐矢志壹且堅愛人貴以  
德姑姊莫相憐侃辭謝媒妁何用口譏譏

周以忠字端臣蒲州人有劬園草

晚渡金山

一柱虛空插奔流盪夕暉雲迷兩岸合月剩一僧歸面面

波濤湧層層殿閣圍有山看不見塔影入江飛  
衛京字翰公陽城人諸生

冬日懷石孟堅

數日不一見便生離別心況兼寥闊久更值暮寒深刻雪  
徒相憶江春不可尋所懷成落落言念苦長吟

劉梁楨字玉標河津人

眞州江上逢故人

片帆乘夜發涼月渡頭昏漁火明沙岸江流遶郭門蹉跎  
皆鬢短耆舊幾人存山色依然綠相攜倒玉樽

王衡字梅雪沁水人拔貢

沁水道中

石徑繞寒山秋風在溪水前村幾處煙沒入朝雲裏

路一麟字麟趾澄城人貢生

西湖雜詩

華嶽高寒石磴斜飛流倒樹亂槎枒玉荷十丈驚人眼何  
用包莊滿路花

樊必遴字廷揚號孤松居士狄道人武生有杏塢詩草  
宿蓮花山寺

山頭留古刹客到且羈棲迴望高天近平落日低鐘聲  
風上下塔影月東西閒共僧拈句何妨壁上題

張謙字牧公狄道人貢生有得樹齋詩

贈吳賓賢

朝暮多悲風吹君海上屋君當未衰時早已謝榮辱吟詩  
二十年空齋苔蘚綠戎馬徧乾坤貧老甘林麓賤子苦風

塵古道蒙相屬誓當歸舊林飢餓棲窮谷君釣槎頭魚我  
侶澗邊鹿萬里歲寒心相望慰幽獨

平山春望

迴立高原上憑虛望遠天對江山斂霧近郭水生煙鐘磬  
聞村寺笙歌過酒船隋家遺柳樹長使後人憐

藍漣字公漪侯官人有采飲集

潮陽道中

潮水初平綠半灣人家門口舉盃還煙塹東去潮陽路三  
面滄波一面山

南臺橋

四十年前白石橋大旗風緊馬蕭蕭行人不管雙溪水流  
出橋東作海潮

蔡衍鏡字宮聞號操齋漳浦人諸生有操齋集

詩話張清恪撫閩創鼇峯書院宮聞與弟聞之最蒙賞拔聞之貴顯而宮聞以諸生終嘗議尊孝經黜禮

記罷文昌魁星之祀奪張道陵天師世祿詣京師欲上疏未得達

詠史

燕丹得荆卿名聲驚六國已感燕丹恩思報燕丹德悠悠  
易水寒颯颯風蕭瑟壯士從此去飄然入秦域氣凌帝王  
尊圖窮無變色劍術雖云疏誰不謂勇力壯哉匹夫志之  
死矢靡慝

漢文亦有道賢相亦盈庭求言何其切當時得賈生抗陳  
無所諱少年而老成惜哉遇合難上書竟不聽去去勿復  
顧坐看湘水清湘水自悠悠哀哀痛哭聲弔之竟何戚干  
古一同情

丹山

日色背層巒輕霜午未乾人言抱朴子隱此白雲間鑿石  
堪爲鼎烹砂便作丹名山雖尙在古竈已生寒

錢奕字子明嘉善人諸生有柳樊詩草

雞鳴曲

銀灣迢遞明星爛寒夜雞鳴夜方半閨人宵起發哀歎輾  
轉虛楹旦復旦玉漏聲寒聞擣衣霜清露白孤鴻飛

游俠篇

巨羅春酒琥珀光腰橫寶鏑馳新裝尊前喚舞出翠蛾長  
嘯爲歌君馬黃徧歷閒關學走馬春風拂面顏如赭雄名  
落落不輕許相逢劇孟論心寡借交報怨來長林擣蒲一  
擲干黃金高譚四座皆辟易押衙專諸有同音君不見易

水湯湯吹變徵又不見漸離擊筑咸陽市士憐知已不顧  
身古來節俠多如此僕本壯夫爲爾歌陽烏欲墜暮山紫  
趙端字立山錢塘人官盧龍知縣有驪城雜詠

恭和魏總憲望孤竹感懷

驅車右北平孤竹遺風古緬懷采薇人高義長虹吐逃名  
非所知祇不愧仰俯孔孟許成仁黃農歌自苦只今千載  
下祠廟荒煙雨後賢景餘芳努力勤救補憲府肅雙旌神  
君凜銅虎卓哉希聖心清風滿三輔

重九後一日游黃崖山頂

黃崖絕頂雁行低歷險移樽萬仞梯風定白雲生几席日  
斜滄海見虹霓翻憐下界花盈眼卻愛層巒鳥自唳薄醉  
遄歸龍眼冷笳聲遙起塞垣西

曹三才字希文海鹽人貢生有半硯冷雲集

詩話希文以明經就試北闈所與游如查梅餘聲山顧俠君姜西溟趙恆夫皆一時之彥丁丑南歸王石谷禹尙基費葛陂爲寫贈行三圖題詠皆滿亦韻事也

夜坐有感

纖月如鉤掛碧空  
秋聲無數撲鐙蟲  
明知是火爭投隙  
多少趨炎世路中

王滋字上濤號抱山嘉興人有抱山亭詩鈔

秋夜同人小集用醜舫夫子韻

魚買罾船酒買坊  
故人倒醉竹閒牀  
蛩吟敗草聲逾咽  
露下高梧夜轉涼  
三寸霜柑初入饌  
頭番黃爵未黏糖  
不嫌山野盤飧薄  
更煮秋菘雜紫薑

張琳字佩嘉一字玉田錢塘人有秋葉軒詩

約友香塘看梅

近說香塘路叢梅照眼新我思攜酒伴去覓詠花人冷淡  
全勝雪孤高不受塵懸知今夕夢不到故山春

王正四日飲蓴客西枝草堂

柴門雖設未嘗關要看江中遠近山相見便成終日醉商  
量莫放一春閒新花似綺初經眼芳草撩人笑解顏聞道  
將游東魯地離聲先入鷓鴣斑

初晴喜趙何二君過訪小酌爽齋次蓴客韻

苔痕水漲屐聲稀客愛新晴叩短扉三徑樹明初日嫩半  
窗花靜午風微提壺稚子穿林到得食幽禽傍砌飛略有  
山家清意味勸君不醉且無歸

次日再集西枝草堂

綠樹連村客到稀坐聞流水撼松扉溼雲乍斂山容瘦小  
病初瘳酒力微含藥一花當檻放引雛雙燕出簾飛橋門  
新漲難通楫漫整櫻鞋踏月歸

楊瑯樹字孝齋南漳人有愛菊堂詩藁

越王城

寂寂越王城日落荒雲起城中貯暮寒人立秋聲裏衰草  
封頽基殘煙連斷堦石門漢時山珠江越國水山水而有  
靈亦憶越王否

孤雁

孤雁悲明月淒聲驚我幃恰如逃亡民哀哀無所歸開窗  
語孤雁前途慎知機莫因山谷冷轉從城市飛健兒聚無  
事挾彈有餘威

王明君

明妃嫁單于非關畫圖誤自是漢孱弱無人陣黃霧君王  
重黎民豈惜一佳人琵琶方出塞已罷玉關軍虎臣飛將  
乃如此萬里長城在女子漢宮寂寞是誰羞氈帳風光非  
妾喜薄命自羞還自歌寄語君王慎干戈後宮莫選顏色  
女單于無厭當奈何

賦得隋宮燕

空梁故壘漸成塵宛轉猶尋舊日春幾度自來還自去宮  
中不見捲簾人

劉連俊字遐矚潛江人

悔人先生移居

短柵疏籬冒綠蘿蒹葭深護水雲阿槎枒社樹霜中秀上

下風颿屋後多驅犢幾家來  
牧笛采蓮十里發清歌元龍  
豪氣全銷盡匣裏青萍不用磨

蔣魯傳字東衍漢陽人有願學堂集

詩話東衍通易義工書善舞劍詩集當時寫定同拾間里中始爲集資刻行

宿翠微堂分賦

秋山木葉下雲淨晚天開  
月色寒冰簟江聲落酒杯  
共譚高士傳閒卧楚王臺  
不盡三更話幽鐘枕上來

李熾字晴沙安陸人諸生有僅存詩

留別李茶田昆季

鴻南雁北意如何一揖還家愧伏波  
海上風煙君未定天邊悲憤我猶多  
已無寸舌隨張祿空請長纓對尉陀  
爲屬他時車笠下莫將金印狎漁蓑

謝天墀字帝颺號薊泉湘鄉人諸生有夢草亭集

暮經金正希先生故宅

秋水繞六溪秋雲黯澹白  
鴝鵒趁暮唳疏螢映南陌  
草市闌無聲蓬蒿隱荒宅  
燈火漏餘燭微月澹魂魄  
乾坤厄陽九節義刊金石  
龍去髯難攀鵲唳血化碧  
風騷嗣三閭哀怨留南國

彭心錦字擬陶漢陽人諸生

訪茶村先生不值

十廟門西野草新客來何處有  
風塵青山正好當斜照  
白髮無從覓此人家遠不聞江上鶴  
書成徒泣夢中麟  
陶公乞食將安往應指雞籠墮淚頻

寄懷故園諸同學

賦罷登樓感仲宣  
吳頭楚尾望茫然  
人留淮海書難得  
雁過衡陽信未傳  
千里夢魂天似水  
一窗燈火夜如年  
可憐茅屋深山裏  
幾樹寒梅抱雪眠

鄧士璉字介人荆門人諸生有桐陰小草

舟發丹陽

一聲柔艣破空濛  
叉手閒吟倚短篷  
山色送青新雨後  
水光搖翠早春中  
伯圖從古誇荆國  
花事於今憶渚宮  
卻怪石尤多作惡  
鄉情應是兩人同

彭一楷字端樹號秋堂漢陽人諸生有耕雲堂集

龍門灘聞鷓鴣

世路曲如此中流石復多  
鳥言行不得人在險中過  
樹色籠深霧山根沸亂波  
扁舟歸與切未許問煙蘿

王元復字能愚號醒齋邵陽人諸生

宿車補旃木石居

久從少壯號通儒自愧明經我不如木石有緣堪共老胸襟無礙任安居礧溪石上鉤難曲茂叔庭前草不除眼底風光今老矣青山冉冉愛吾廬

車无咎字補旃邵陽人諸生

詩話補旃與同縣王能愚皆以理學名時號車王嘗共考訂皇極經世洪範內篇見四庫存目

侍家大人宿靈烏道院

一鐙懸斗室父子宿餘明古壁沈沈夜高堂寂寂情何來風雨急兼送竹梧聲遠愧温衾士能無忝所生

陶烜字奉長號松門湖南甯鄉人諸生有石谿詩藁

詩話松門能詩與弟端補脩並有聲於時充安王府教習嘗輯國朝詩的

寓中元旦和元叔韻

來日春風又打頭  
江干重理舊羊裘  
時聞北闕方求駿  
家在南山且飯牛  
年例競趨如鶩走  
人情大抵習韋柔  
柴桑幸不成蹊徑  
松影常依杜若洲

劉祖啟字顯之東莞人諸生有留穉堂集

兵後入故里

不到家鄉久  
今來事卻非  
蒼茫三徑在  
耆舊幾人歸  
亂草侵殘雨  
荒池帶落暉  
秋風吹短鬢  
愁絕倚柴扉

吳江道中

朝辭虎邱去  
道出太湖旁  
比屋皆臨水  
平田半種桑  
秋聲生落木  
雨色隱斜陽  
向晚吳歌起  
中流意渺茫

何震字雨望號小山新會人貢生有擣藥巖居集

西山望海

木脫山高眼瞭然更當晴午不生煙明明海色遙含日白  
白霜痕淨貼天無那崖門思往事若爲蓬島挾飛仙平生  
幾許乘桴意盡在臨風引領前

梁素字見行新會人有曲江園詩藁

詩話見行貧而好學工書畫以布衣終子岱亦善  
書畫雍正初年中丞希堯令繪粵道形勝圖進御

江村夜泊

酒醒鐙冷夢頻驚吟傍蘆花客思清木落晴林秋幾樹潮  
平寒浦月三更荒村有影江煙澹古岸無人石氣橫東望  
海門天際遠亂峯稠疊白雲生

王燦霑益人

過大覺庵

高刹踞峯頭登臨俯一州斗城當寺立弓水抱村流雲白  
禪機靜霜青古木秋塵勞何日息常向此間游

楊暉吉字有孚太和人貢生

同萬路也秋前三日泛舟

握手探秋去清笳隔水聽一篙浮鴨綠片席淨螺青海氣  
環孤嶼山光出破萍夕陽鴛浦外共濟不須醒

晚晴篋詩匯卷五十三終

此都... 卷五十三

...

...

...

...

...

...

...

...

...

...

...

晚晴詩匯卷五十四目錄

張坦 十九首

張壘 五首

常安 四首

張瓚 二首

段標麟 一首

陳養元 二首

廖鳳徵 三首

梅以燕 一首

曹源郁 一首

朱軾 一首

高其倬 十八首

法海 一首

呂履恆 二十首

周起渭 十六首

滿保 二首

陳瑣 四首

屠沂 一首

陳豫朋 四首

陳霆萬 一首

米調元 一首

林豫吉 三首

周鍾瑄 二首

明詩言匯卷五十四目錄

許遂 一首

李鍾璧 一首

石芳 二首

謝方琦 四首

李永祺 二首

何梅 二首

丁佩玉 一首

嚴虞惇 三首

姜宸英 三首

汪士鋐 一首

蔡珽 十二首

李鳳翥 二首

張元臣 一首

宋聚業 一首

吳宗豐 一首

王樸 二首

晚晴移詩匯卷五十四

徐世昌

張坦字逸峯號青雨撫甯人康熙癸酉舉人官內閣中

書有履閣詩集

姜西溟曰登泰山古詩及諸五言近體飄渺雋宕氣  
 格渾成求之唐詩家天分絕類李白陶鳧薌日逸  
 峯昆季承其父魯菴叔笨山之學問與同時諸  
 名士游故所作皆清逸妥帖彬彬乎質有其文  
 詩話國初畿輔詩人最盛如申鳧盟張覆輿殷伯巖  
 趙秋水劉津逮楊猶龍龐雪崖諸家多出畿南而北  
 部較少逸峯父魯菴方伯罷官後僑居天津構問津  
 園名流觴詠所集竹垞西溟初白秋谷皆曾主其家  
 魯菴弟笨山詩亦有才氣逸峯與弟聲百同舉於鄉  
 同官薇省詩學並有淵源而逸峯所造較深斐然作  
 者灤渝間可稱獨秀

古意

孟嘗廣致客鳴吠亦不辭士為知己用何者不可為遂謂

雞狗輩生平盡於斯尺蠖與蚪龍屈伸在一時丈夫以身  
許逃義奚所之所以魯仲連高蹈東海湄

我登黃金臺郭隗今何往禮士在推心千金等土壤士也  
爲利趨襟懷亦可想躋者奪所愛高風羣欽仰臺以黃金  
名宜乎委草莽

昨日逢寒士酒煥肝膽揭今日游朱門更見五情熱織素  
與織縑新舊各異轍共羨桃李花誰看松柏雪鬱鬱抱孤  
懷炎涼渾無別甯爲世所嫌毋爲世所悅

楚漢征戰處英雄時已備龍準與重瞳駕馭無絆驥狂哉  
阮嗣宗睥睨豎子視身當割據時昏酣遺世事清談生春  
風坐看中原墜廢事猶可爲誤事難引繩千古褫權奸情  
流卽其次

小園種花時不得郭橐駝其手補造化其心備天和全活  
在人爲生機物云多此身有精氣白駒牛馬過撫心長歎  
息風塵易消磨

小鳥

小鳥名難辨低飛轉不窮常虛鷹隼逐縱入網羅空暗葉  
尋蟲細柔條啄果紅笑他九萬里終待北溟風

野花

幽徑疎花放晴林細露明有香還自惜在野不須名游屐  
樽攜過春風候至生滿園桃李豔車馬正縱橫

濁酒

濁酒何人造權斟過此宵我猶呼玉友君實愧金貂靜夜  
三杯足春風一度消哺糟心最苦醒眼轉無聊

故劍

龍泉出塵匣四壁動光芒  
酒罷照霜月鏡昏卽戰場  
飛騰隨候至珠玉待城量  
此腹容卿輩恩仇望汝忘

登泰山

清晨躋天門流霞自東偏  
絕巘紆石磴瑩徹諸峯懸  
水簾白玉光錯彩復嬾娟  
瓊簫忽相引松風爲周旋  
羽士好顏色飛步憑松巔  
邀我坐黃峴玉井清生煙  
渺渺蔥鬱中下界蒼蒼然  
揮手更梯雲白日極頂圓  
豁焉出天地披襟歌

懷仙

飽飲王母池清風來天門  
颼颼披塵襟毫髮自飛翻  
玉女拾瑤草皓月臨金盆  
流液一浣濯閒身爲之尊  
俯視梁父山蕭蕭御道存  
七十二君封恂怳復何言

東上日觀峯遐矚天與平東海直衣帶何有飛濤驚隱約  
桃都山身如浮雲輕桃樹手可接如聞天雞鳴萬籟爲之  
伏九垓盡一聲須臾動天地水光徹蓬瀛回首望舊鄉高  
呼衛叔卿

醉把白玉壺靜對磨崖碑方士與儒書終焉將奚爲睥睨  
五大夫又何有李斯古人究何往停杯一問之欄南雙白  
鹿高峯行遲遲穿雲者誰子振衣采紫芝

對松山絕奇石立森雲關萬狀不能名青錦皆古顏松石  
渾欲化恍在碧落間滿耳發笙簧疑有九龍還我非求仙  
人自喜征塵刪叩關探玉策轉愧心不閒

程高士穆倩見過寺寓

條條杖屐往來輕載酒看花逐隊行門掩舊京千里客交

論古寺百年心世傳駿骨多歌泣君借蟲書識姓名因歎  
信陵人散後興亡猶得問侯生

邗上遲燕峯費先生不至

遙想城南水竹居滄桑歷徧近何如興酣載酒難尋客貧  
到關門只著書芳岸飛花閒畫舸朔風吹雪阻柴車相遲  
共躡金山頂萬里江山一照餘

問津園

一抹疎林萬點煙漁人網集亂汀前紅衫青笠垂楊下引  
得溪光上釣船

筍屐荷衣入翠微小亭把酒對薔薇野花香破半溪水白  
鷺一雙松頂飛

北邙山

北邙望不極，溱溱水煙平。  
讓嶽峯難矗，支河勢自橫。  
夕陽荒草樹，亂冢盡公卿。  
但進一杯酒，何須身後名。

張堦字聲百，撫甯人。康熙癸酉舉人，官內閣中書。有秦

游詩

秦中詠古

驅車樂游原，東下鴻門阪。  
草木半黃落，淒其歲云晚。  
當年宴會處，衰柳拂行幘。  
古人竭智勇，機事如環轉。  
南鄭幸西歸，彭城竟東返。  
歧路在須臾，得失迴懸遠。  
歎息俱陳蹟，徒旅去偃蹇。  
且就夕陽中，野人原上飯。

江南曲

別君復幾日，葵穉當門多。  
刀錢重腰帶，秋風動綺羅。  
七綵芙蓉帳，紅衾疊寒波。  
秋夜長如此，寂寞金閨裏。  
梁上難同

紫燕飛鏡前擬作青鸞死思君憶君不見君江南夢化隴  
西雲前日緘書渾是淚不須更驗石榴裙

春宮詞

宮井新梧綠雲樓起睡鴉幾番添鳳髻曾不見羊車恨瀉  
芙蓉粉愁生蜥蜴砂昭陽春早入定有合歡花

曲徑和字綠

碧篁遮曲徑習隱可年年適意卽爲道齋心亦類禪蘆深  
人語寂花密磬聲傳渺渺山禽下飛來破暝煙

送吳蓮洋歸河中

柳絮飛無賴君歸灞水東溪臨衫影綠花踏屐痕紅此去  
風生袖重來詩滿筒飄飄笑韓眾空老嶽蓮中

常安字履坦滿洲旗人康熙癸酉舉人官至浙江巡撫

有受宜堂集

詩話履坦學於韓文懿通經史能文章集凡五刻曰  
醉紅亭集曰瀚海前後集曰潘水三春集曰班餘翦  
燭集曰駐淮集又編廿二史文鈔古文披金論著甚  
多往往援古刺今譏切時事中蜚語死非其罪論者  
惜之

永平府南臺遠眺

策馬上南臺崑崙高百丈雲氣溼征裘烈風驅塵埃爛然  
金碧浮琳宮足幽賞午鐘度松林空際有餘響左右列名  
山冬寒似秋爽懷古一凝眸遺風猶可想

讀漢書

耳餘刎頸交其固如膠漆一旦利害臨易轍成仇嫉吾觀  
古君子澹然談接膝持心如鏡平何嘗指白日廣交與絕  
交兩論俱可黜

北唐余言圖卷五十四  
五  
朱郭有心人急難得相救行雖非中庸氣自橫宇宙樓護  
與原涉所著一何陋本以詐得名羣豪乃輻輳始知游俠  
中亦有稂與莠

題墨荷

蓮葉蕭梢剩綠房荷花零落損紅芳懸來水檻涼風起知  
是荷香是墨香

張瓚字爾石一字錫田湘潭人康熙癸酉舉人官平度  
知州

月夜至湘陰次華六夢鹿原韻

擊楫輕千里歸帆自遠天暮雲青竹戍夜月洞庭船岸火  
近偏暗蘆花秋更妍故園風景好相對已悠然

馬上口占

靄靄寒煙澹落暉幾行官柳綠成圍  
長安春色渾無賴鶻鳩聲喚客歸

段標麟南甯人康熙癸酉舉人  
歷官灤州知州有蠡屋集

賈島峪

石菴芳草碧離離猶記詞人託迹時  
春雪馬蹏朝去國秋風渭水夜吟詩  
簿書差勝爲僧日瘦削應同未第時  
萬里三巴空涕淚客心應共峽猿悲

陳養元字正求號鹿山又號芷濱  
武陵人康熙癸酉舉人官甯國知縣  
行取主事有鹿山詩集

東津橋看山

雲多不礙山雲去覩山質東津縣左  
腋橋與西津匹奇峯

高入雲變幻狀非一不識面目眞有時露腰膝好山如好  
女防身恐不密萬古抱幽眞蛾眉誰見嫉中有採芝人傍  
崖種丹秫心與泉石盟靈妙始挺出

泊黃州

岡山曲屈鎖江流何處春光上客舟一徑草荒人迹石半  
城雲覆月波樓垂楊不繫青溪夢微雨偏生碧簾秋把酒  
臨風歌古調渚蘋沙鳥起閒愁

廖鳳徵字樾阡一字芸夫號聰雪江南華亭人康熙癸  
酉舉人官林縣知縣有翫劍樓詩橐

懷陳明府荀少

君宰臨湘日葦湖暎底清彩毫春判牘黛色晝橫城正有  
江山興淒然風樹情麻衣沾血淚歸騎雪初晴

高閣凭遙岫孤吟君未來誰家秋釀熟野徑蠟梅開殘雪  
荒城寺斜陽古戍臺郵程百里外馳望數徘徊

秋思

一雨翠微寺晚風黃葉林登山康樂屐誓墓右軍心百里  
巖城僻五湖秋水陰肯將雙短鬢長此戀華簪

梅以燕字正謀宣城人康熙癸酉舉人

詩話正謀勿庵子文穆父也刻苦自厲能世其家  
學母喪哀毀致羸疾得導引術而愈仍先勿庵卒

閒適

絕無塵處敞雲扉因病翻能久息機求仲儻來堪破悶少  
文孤往輒忘歸幽禽過午啄花片老樹經春換蘚衣長物  
那關身死後古來名士謝宏微

曹源郁字璟含號樸存嘉善人康熙癸酉副貢官慶元

教諭有東園吟稟

宜興道中

欲放江陰棹，翻成罨畫游。峭帆衝暮雨，孤艇送春流。竹樹煙中亂，樓臺水際浮。鶴沙橋下路，帘底故句留。

朱軾字若瞻，號可亭。高安人。康熙甲戌進士，改庶吉士。

授編修，官至文華殿大學士，贈太傅諡文端。

詩話文端爲世宗朝名臣之冠，正學高風，原不以詞章增重，謹錄一首以誌景仰。

贈毛心齋

峩峩鹿洞講堂開，萬古精靈發越來。聖主崇儒垂切問，熙朝選牧必良才。光風霽月君新領，古檜蒼松地舊栽。從此洪鐘時一叩，不教庭廡翳莓苔。

高其倬字章之，號芙沼。漢軍旗人。康熙甲戌進士，改庶

賦詩錄言圖卷五十四

吉士授檢討官至戶部尚書諡文良有味和堂詩集

詩話文良淵深凝重勳業爛然而其詩有云詩外更無餘事業酒邊時作小淹留其天懷可想平生言不虛立故所存無多最工五言長古如碧雲寺薊州新城等篇託意深遠聞者足戒當與浣花之九成宮玉谿之行次西郊並傳望雲山一篇燭照幾先詩通於政其流連光景之作如萬柳塘云白蘋風細魚苗長紅杏花深燕子低體物瀏亮中亦復別饒韻味生平自許其詩頗似元相又與陳南麓論詩云無益在所屏有作非苟然皆證三昧後語也

### 游萬柳塘留贈天倪上人

佳境天教與老倪無邊光景到招提白蘋風細魚苗長紅  
杏花深燕子低勝日正當春社後好山都在曲闌西他時  
講席容聽法萬柳塘南即虎溪

### 薊州新城

于役季冬月東入漁陽城城圯五十載奉詔新經營墉堞

一云具築作功遂停胡不事宏麗役物勞皇情此州實險  
要世界方昇平長馭控八極內地固所輕昔當明之季置  
鎮藩神京高起兩重郭徧徵九州丁城中貯芻粟城上羅  
旗旌薊門大帥任鄭重屬老成高議百僚會推轂千人英  
且復命丙魏不啻求韓彭陞辭涕汎瀾密詔言丁甯志鳴  
伊吾劍意洗魚海兵長計一蹉失塞馬仍縱橫連營一日  
潰列障同時崩塵來白日匿燒猛蒼天頽九門戒樓櫓六  
府巖關局平安一星火重比千金瓊傳呼達禁闕夜寢始  
不驚外召勤王師內辦遷都行下詔責專閫幕府空搶攘  
擁兵不敢救閉壁如聾盲偵敵已出境追騎甫及垆殺人  
取其元受賞都堂廳纍纍鞍上級一一田間氓更奏塞外  
勳肯恥城下盟懦帥肆欺謾勅敵生門庭旣以殺其軀患

亦貽朝廷嗚呼厲有階夫誰滋亂萌或云右文士誤國由  
書生或云吝邊餉飢卒難力爭南史與董狐百喙同一聲  
敢獨曰不然奄寺實彗熒監軍專將柄司禮爲阿衡眾賄  
水輸海百度禾生螟榜笞殺壯士羅織戕名卿剛鯁靡子  
遺媿媿忘忠誠肯效鷲鳥擊轉畏走狗烹潢池弄兵子竟  
射承天閣緬維開創初明祖垂家型內官止四品灑掃供  
使合外事付卿貳著戒在展屏孰畀鐵牌毀坐見九鼎傾  
惜哉興戎首未正司寇刑我皇法殷鑒典制原六經寺人  
無官階置員有定程衣冠帶履外越者誅竄并皇皇一王  
法萬世其勿更願獻五百字勒作城隅銘

夢覺偶成

織女斜河夜氣清殘釭耿耿澹微明天涯夢醒無人見月

照虛廊絡緯鳴

清橋驛曉發

高原鐘後見晨曦  
水外殘雞尚喔伊  
槐影半村煙綻處  
禾香一片露晞時  
纔穿雲過捫衣潤  
欲覓詩行任馬遲  
入棧漸深山漸好  
卻忘踪跡在天涯

曉行辭

村雞喔喔月墜煙  
眾星盡沒明星懸  
行人相向寂無語  
風吹黃葉墮我前  
鴉集平沙亂無數  
曉角一聲飛上樹  
遠綠茫茫煙草深  
愁來重對前年路

劍門

兩崖對起削雲根  
邸閣全傾佛寺存  
千古衰興幾蠻觸  
一龕鐘鼓自朝昏  
無人戰鬼嘯清晝  
不夜於菟到驛門  
蜀道

荒涼身萬里不聞鈴雨亦消魂

渡綿江

江煙漠漠白鷗飛倚棹中流看落暉  
涪右水從中壩合劍南山到左綿  
稀孤松遠岸如人立游子他鄉見  
燕歸又是一年秋欲半荻花風起  
鱸肥

望雪山

蜀山崑岷皆參天雪山高壓羣山巔  
劍嶺巫峽總培塿青城峨岫羌隨  
肩禹跡不到失搜紀遂使岳鎮居  
崇班五丁有力不敢鑿胚渾元氣  
無雕鐫到今尙存太始雪盛夏早  
似初冬寒我來成都苦卑溼每遇  
高爽心安便入秋十日九陰雨側  
身西望空長歎忽然金風掃羸翳  
半空橫轉兜羅綿素雲一段落天  
外白頭卓立羅煙鬢天門玉龍露  
寒

鬣海風吹水排銀瀾數百里外一舉首爽氣已到鬚眉間  
豎指數峯帽欲墮如坐井底窺星躔壓覆常憂坤軸折迴  
旋怕觸曦車翻高鳥之翔不敢度往來或是飛空仙此外  
茫茫復何有蜂屯蟻聚叢生番乃知造物有深意區界彝  
夏分中邊刀州刺史且好事欲通天險招呼韓橐駝載布  
馬載粟羅致火罽收冰蠶去年行臺留陸賈今年絕塞歸  
張騫似聞西方諸部落稽首請事天可汗蜀人弱脆蠻頑  
姦畏之不啻雀見鷓況復此曹不耕織毳衣肉食勞縣官  
安得天上巨靈手擘山爲塞叩嶮關

同人元祐觀看花小飲

一絲朝雨減輕塵十里呢鶯碧樹新驕馬頻嘶曾到處疎  
松全似不羈人百花影裏嘗騰酒三月中間爛漫春誰道

金門無劇事年年風景趁閒身

獨坐感懷

九十春光欲二旬催花風起落鐙辰年華半向愁中盡生  
事惟餘懶處真託意漸諳吟楚雨閉門長似在漳濱賈生  
未辦千金賦日斷天涯輦路塵

詠香與顧書宣陳南麓汪安公同賦

掩冉清芬散細縕薄霧微未濃飄欲斷漸遠擬仍飛侵曉  
生芳徑因春上舞衣輕呵妝後鏡寒下夜深幃湯殿融融  
水蘭缸夜夜輝一星篝火地六曲繡屏圍月榭初經雨鄰  
花不掩扉蝶回知有恨風定若無依錦薦餘温在羅巾舊  
事非背人勻麝罷臨水握蘭歸蕩子同韓嫣名娃勝鮑徽  
辟邪須作珮莫只重珠璣

曉仙謠效温飛卿體

明星出地月墮城白河斜挂西南楹  
丁冬細漏咽殘響蘭缸短燄青熒熒  
隆準翁孫赤龍子夜看真圖倦朝起身輕  
夢入蓬萊宮弱海三千一杯水七曜迴光照玉堂  
倒持北斗傾天漿綠華舞落玉條脫醒聞墜地聲  
鏘鏘半尺瓊籤報天曙宮女起收仙掌露通侯更拜白茅人  
歲星卻入中郎署

放鷹行

廣原兀兀天四遮樹頭月落吹早笳  
將軍錦袍金鞵寶弓六石馬五花從者百騎寂不譁  
班騅赤驃驪駟駢頭並驅如排衙  
鞞上角鷹嘴爪佳曾肉妖狐搏巨蛇  
金鈴掣臂風捲沙馬前一點掠地斜飛走窮促喘且呀裂眦潰腦

困攬拏舉鞭數獲載滿車雉大如鶩兔如猓炙肝燔肉傾  
流霞侍兒十五彈琵琶歸來猶作三日誇相如豎儒井底  
蛙如何上書諫大家

宿翠微寺

林樾互蔽虧岡巒相枕帶徑迴雲磴高谿轉石梁隘迸泉  
濺人衣衝風振松籟煙生墟里間日下牛羊外步履隨昏  
鴉聞鐘宿香界

碧雲寺

崔巍碧雲寺壽安山南陬前貌眾龍象後植干松楸于經  
首作俑魏豎復效尤規制駭心目宏麗無匹儔近屏羅翠  
嶂遠勢交迴洲石室窈中空繚垣屹外周鏤階鳳雛礎琢  
壁龍螭繆僭侈陋陵闕豈止逾王侯當其繕構際乾坤困

徵搜攻石千仞岡輓材萬里舟蒼生莽流冗四海輸驟賦  
竭彼血萬斛就此土一抔刑餘胡敢然童昏寄垂旒軫臂  
奪之柄蠱腹心舌喉鉗質殺喬固軒墀延共兜上擅天賞  
罰下快私恩讐敵張寇盜熾木蠹禾生蝨罪雖淪一族禍  
乃延九州高廟血祀斬泗社蒼煙愁思陵葬無所麥飯矧  
可求昌平寒食日春慘風颼颼民家敗紙錢吹挂陵樹頭  
窮奇舊衣冠乃得歸巖幽百年有餘恨烈士涕橫流偉哉  
張侍御一洗異代羞仆碑剗名氏伐豕爲平疇茲事良義  
舉我更借箸籌賢聖律旣往爲後世罰褒善固揭百世惡  
亦昭千秋誅姦賴直筆不繫豕去留上世戮鯨鯢封骨高  
嶙嶙請肆彼遺骸存此招魂邱用之作京觀事異理亦侔  
覆轍留眼前後車庶迴軼殷墟歌離黍鑒之者有周作詩

述胸臆以俟采風輶

送陳南麓同年之奉天府丞任

甲午夏月次鶉火陳君東去丞陪京月題之輪約青憶翩  
翩白馬懸朱纓風吹蒼髯拂肩領長身突兀雙顴頰後車  
輪困載墳卷前驅合杳羅旗旌路人如堵看祖帳客前陳  
辭酒再行山海之東富奇詭水產陸孕紛干形熊肪三寸  
削玉白鱗鯉一丈如龍猶活掎挺鹿掣生尾癡掩雛雉披  
柔翎巨蛤腴腹瑩見子芽蕨拳飽肥稅萌八梢偏口略粗  
俗黃羊水獺猶羶腥君到正遇八九月應饗北食忘南烹  
郭外日紅看放獵月輪壓地排干兵鸛弓可手稱鸞箭馴  
駒口熟知人情馬上射生下草檄吏卒喑嘍官寮驚書生  
如此良不惡行矣最樂餘何營我時避坐亦爲壽敢有所

獻君吾聽蒲河鐵嶺我故土身雖不到心能明皇家大業  
首遼瀋有漢關陝唐汾并膏原塊北二千里崇墉岌業一  
十城薇局中開應箕尾王氣直上聯魁衡已聞方召降喬  
嶽宜有董賈鍾菁英後生無師孰埏鑄適喜碩彥司膠鬲  
願稀射獵課文史數親短槩疎長檠別裁譌體定塗軌披  
汰瓦礫搜璜珩中和樂職正宜作子淵之後君再生大海  
泱泱浸日出長山轟轟撐天青縱探極目厲其氣推排河  
岳鞭風霆發爲聲詩被絃管常武是弟綿是兄便就童子  
覓何武或有骨骼堪公卿采風九牧貢軒陛升歌一闕通  
神靈咸池雲門見光景金泥玉簡基云亭君不見元和韓  
碑睨典誥劉詩柳雅窺齊盟生平羞與曹檜伍歸其眎我  
當繼聲

閒行與文震青編修同賦

曲徑緣溪曲平沙似掌平  
波心雙鷺沒雨外一峯晴  
官冷閒游數時和夏氣清  
橋東村北路留待月中行

不寐

螢流高屋影相追  
水外疎星拂地垂  
吹縹葛衣風漸緊  
滴殘蓴夢漏初遲  
三秋似月纔生魄  
四序如花半在枝  
礎韻蟲聲愁幾許  
旅人雙鬢最先知

法海字淵若號悔翁滿洲旗人康熙甲戌進士改庶吉士授檢討官至兵部尚書有悔翁集

游棲霞寺

石磴迂迴上蒼藤  
挂薜蘿嶺開千佛古  
松記六朝多明月  
何曾改荒碑看已磨  
雲霞棲隱處我欲問巖阿

呂履恆字元素河南新安人康熙甲戌進士官至戶部

侍郎有夢月巖集

王阮亭曰夢月巖詩高渾超詣正以不甚似杜為佳  
沈歸愚曰當時言詩者多欲尊宋祗唐司農志趣  
不落唐以後并蘄追六代以上而從之可謂特立獨  
行又云蘊含前人別裁偽體一切關花儷葉粉黛纂

組之習悉  
舉而空之

詩話元素詩有七子遺音命意瑰奇結響蒼越非優  
孟唐賢者比詠古尤多警句如董江都祠云長沙有  
傳相先後東閣何人足重輕岳王墳云宋宗有白雪  
忘戰張相何心亦忌才信陽懷何大復云客傳白雪  
音難和士附青雲怨易多金陵雜感云但令江左夷  
吾在豈畏荆州處仲雄史司馬墓云周鼎既遷無義  
士武庚猶在有頑民皆論古有識氣息  
醇厚在國初中州諸賢中當推大家

新婦篇答雪堂

習習堂前燕弱羽詎能飛仰視滄浪天哺我黃口兒新婦  
初來時父母教禮儀婉婉事君子動止勤自持入廚滌百

器夙興夜寐遲未知姑性情便欲攄所思一語違尊章惟  
悴無光輝君子爲彌縫大義終無虧同心依所天德音矢  
莫違

桑條明沃若鷓鴣聲欲展提籠陌上行盈盈衣露泣伯姊  
念孤征導我步凌緬中心旣綢繆言笑亦游衍三月采青  
蒿四月簇黃繭將爲公子裳區區效不腆同居向三年君  
忽被驅遣不敢出中門心與車輪轉涼秋八九月木落枯  
蓬捲不惜道里寒終身事未蕝舅姑祝悅康兒女願黽勉  
君懷亮孔深我績日猶淺海畔亦逢君攜手望高巘衣裳  
非舊時容色尙婉變皎日會東出谷幽當自顯

由龍泉寺西上觀源所自出遂窮其勝

飛雨吹絕壁炎氣爲清和泉源在木杪空響何其多緣險

捫弱葛出幽履垂蘿峯嶺非一致緬邈復逶迤負然至天  
表雲氣如流波陰陽屢晝夜日月相盪摩下視所來徑猿  
鳥幾經過心疑此宮觀結構非斧柯不知初古人何以栖  
巖阿

祖越寺至羅漢洞

空山寂無聲鐘磬自生響宛轉松石間忽來雲鳥上筋骨  
未遑安耳目已豁朗巖腹正中穿出入隨俛仰混沌誰開  
鑿玲瓏非意想仰視縹緲峯天表撐一掌其上有飛觀安  
能度表廣自非餐霞人邈然不可往

關門行

哀陳公也公諱顯元楚之蘄州人崇禎壬午  
令新安以滑稽息民為治時洛郡失守屬城

邑皆墮公率民登鐵門若日夜守陣不為動賊撤  
公公碎其檄大罵賊怒并力攻之砦破無少長皆  
屠公走且呼曰糾民守死者縣令也宜殺某勿苦  
我民賊不願公持其刃呼益急遂殲焉其子某亦

與難遺民三十六人者爲  
負土成墳予聞諸父老云

澗水奔山齧石根逆流百折趨鐵門鐵門山上壘培在居  
民曰是陳公屯瓦礫崩翻燒黔黑荒冢草白天黃昏猶傳  
壬午世反側函谷關潰無完邑我公陟巘關巉石率民守  
死勿降賊賊覘睥睨聲方怒謂若區區何自苦公笑不答  
揮礮石槌碎檄移詈狗鼠黃巾萬眾并牛力飛鏃滿眼天  
地黑累卵難支巢樹傾蒼顛黃口遭刳磔更張空卷無所  
懼齧齧血頸身不仆同時哲嗣亦遭坑遺民負土營雙墓  
已矣哉天柱地維昔崩摧金城鐵甕空崔嵬北門鎖鑰墮  
燕薊上東門亦軍延開翻城倒戈皆如此嗟公爲此一何  
哀春來杜宇猶嘯血瓦棺不朽常山舌落落青山三尺堆  
常照松風萬古月

甯鄉坤元宮雙松歌

雙松東西互爲友丹楹粉壁江聲走枝幹排雲入窈冥萌  
蘖不知何代有東株倚戶半敲斜滿身苔蘚生霜華雷霆  
忽起蛟龍怒掀翻鱗甲張爪牙有時風靜日移晷青陰覆  
殿涼於水元氣茫茫混太清幽叢寂寂栖神鬼近西一株  
獨正直亭亭上出千峯碧流膏入地似黃金偃蓋扶天蕩  
白日主人延客坐其側舉杯不飲皆自得與君同結歲寒  
心隨天自布陽春澤嗟哉雙松的的有根株後萬斯年仍  
不枯薜華朝菌胡爲乎

石樓行

時予以奉檄覈倉同官程明府勉齋適有發陳之請因高其義作此以俟採風

石樓城郭山之坳苦菜青青盈四郊犬吠間從猿嘯起人  
煙時與山雲交阪田礲确不可井高高下下隨窟巢城外

通達無軌跡側身半趾垂巖石我車我馬何爲者公家積  
貯相推覈周官斂散本藏富詎非補助爲農食況逢堯舜  
憂民時忍令鼠飽我氓飢明宰曰予請發之權衡調劑仰  
臺司必從所請復奚疑幸甚哉石樓雖瘠民不罷

梁州

蜀道天難上梁州路已遙岷嶓蟠北戒江漢導南條落日  
七盤嶺晴天萬里橋獨留懷古意歌哭未能銷

別楊貢士臣石

江渚秋初至山城日尙暄臨歧頻駐馬將淚更聞猿細故  
宜從衆澄心莫放言械通隨道路不厭往來煩

薊門雜詠

景物川原裏間關歲月中官榆叢自碧山杏遠能紅沙壅

桓侯壘雲封堯母宮不逢燕趙士歌哭為誰雄

邯鄲春欲盡楊柳不堪攀花落叢臺驛人歸洛水關存亡  
輸白璧厮養棄朱顏卓犖觀千載生涯有故山

漁泛洪待家兄文啟言懷

簿領汾州去長懷鄂渚遙塞鴻淹次第檐鵲望昏朝純吏  
家難稱頑民勢易驕何須悲雨雪見現自當消時兄緣事暫解任

野望

子真谷口雲初霽白起城邊雨乍收萬里濤聲來漢水一  
天霜葉下梁州他鄉風俗重陽晚故國音書旅雁秋人事  
寂寥裘敝盡寒砧莫遣近高樓

潼關用崆峒元韻弔孫司馬

漢京形勝枕雄關指顧山川一掌間地險半開函谷月天

青惟見首陽山中官賜劍來何疾司馬麾戈去不還萬古  
黃河流血淚春風慘澹旅人顏

登龍門山

禹門山色碧千尋萬古長祠夏德深河自懷襄開草昧人  
因疏鑿重登臨風雷實見魚龍氣雲水虛涵天地心不信  
滄溟難可到桃花竹箭尚浮沈

金川門詠史

金川北望日黃昏聞道燕師入此門不見古公傳季歷祇  
知太甲是湯孫風雷豈爲鴟鴞變江漢難招杜宇魂南渡  
降旗何歲月西山省恨舊乾坤

鞏縣嚴子陵祠

霜落秋城木葉丹客星祠畔肅衣冠故人無意驕同卧天

子何能屈一官嚴瀨江山空浩渺原陵松柏自高寒東都  
多少知名士不及冥鴻一羽翰

山海關

天際重關虎豹扃前瞻雲樹尙冥冥山餘落日千峯紫海  
瀉遙空一氣青漢塞烽煙亭壁壞秦城膏血土花腥漫吟  
碣石東臨句絕代雄才敢乞靈

秦州詞

嘉陵江水向西流大散關南天正秋一夜猿嘯楓葉落征  
人十萬下秦州

登封許由冢

青山頂上一孤邱俯視陶唐十二州偶使人間知姓字遂  
教潁水挽清流

周起渭字漁璜號桐野貴陽人康熙甲戌進士改庶吉

士授檢討歷官詹事有桐野集

毛大可曰先生詩興比互進情文兼生古可追魏晉  
而今體聲律不出開天間陳松山曰澤州相國在  
直廬聖祖問今詩人舉周起渭史申義對一時翰  
林有兩詩人之目於查初白德尹尤為心契初白次  
先生高廟僧舍詩云結習多生未易捐得公投句喜  
登然祇應借佛論詩境何法真超色界天自注時以  
拙詩就正先生史蕉飲贈句云孰  
與夜郎爭漢大手攜王尺上金臺  
詩話獨山莫子偲編黔詩紀略松山同年踵為後集  
康熙以還舉漁璜為標幟同時張豆村論德後來田  
安陸端雲潘檢討南垞諸家足相驂黔黔詩堂庶甚  
大非必偏尚一宗而骨幹堅實藻韻不匱道咸以來  
鄭莫代與沈酣典籍益以交游登覽之助蔚為西南  
二子揆其風格實有淵源近人亦或譽之太過殆未  
諗黔靈文采  
所從來遠也

寄答襄城劉太乙

天音雷奮蟄地籟風號穴鳳鳴覽德輝鳩嘯催暮節東風

吟百鳥不獨梁間鳧寒蟬與蟋蟀感秋復悲慄氣化使之  
然機至不容遏此或緣知覺相將弄喉舌石竅本無聲水  
行殊澗汨忽然相擊觸無心中音律信知天地間至妙難  
理詰人聲得精微寄興尤恍惚中心良霧鬱衝口自風發  
但伸所欲言豪聖莫能屈在昔周詩亡始有獲麟筆刪定  
無聖人風謠乃遺逸況乏輶軒采貞淫誰纂述古今有遷  
變何曾音韻歇正聲本無恙文士自爭奪特起求名徑真  
詩乃淪沒此道宋元時猶未事傾軋原體本騷人後來俱  
派別英雄當運會各與時相匹譬如喚晴鳩亦有知雨鶴  
那將堂上竽遽厭堂下瑟有明宏正時何李氣蓬勃師資  
浣花叟餘子遭割截遂鉗萬人口攘臂稱渠帥才高任軒  
輒流弊始紛出浸淫嘉隆後壇坫益增設同流合涇渭仇

讐分吳越王李及徐袁操刀起相殺古詩丁厄運古句肆  
批抹彈指百年間詩場三喋血流傳到今日狡獪又一術  
各懲門戶非萬象思囊括借口愛前人其實事剽竊遂驅  
後來秀點鬼而祭獺狴牢錮情性音形圖髣髴刻舟信可  
求未苗已先掘河洛天地中真聲宜未絕劉子不羈人心  
細膽雄拔披讀古人書落華將討實向者攜手時議論何  
明豁風詩有正變天然任流溢先須覷大幽元關闕窅窅  
然後颺九天風雷共吹映寄我五字詩字字紙上活直如  
排霜筠曲似拗勁鐵我詩但意造無文空直質本乏求名  
心信口無爬櫛文章在吾輩於技等豪末讀書不明道哆  
口徒浪說縱令言語工根源已先失而况竊古錦紛紛爭  
割裂請觀古人門千秋何嶄嶮自來爭名輩頸漲面驛熱

赭山求楮竹不能供紙札盛氣凌前人何曾躋毫髮我作  
不鳴蟲冬寒瑾房室談稀舌本強因君偶棖撥遂敲古瓦  
冰含豪濡禿鬣懷君結隱處汝水前蕩滌籬落蚤煙開衡  
門數峯雪想見將吟鬚搖頭聳山骨何當塵土手往結凌  
波襪報章比芝菌驚雷出枯枿更待新詩來披襟弄明月

題查聲山學士花溪石漾圖

落落長松陰清溪一道深潺淙歷危石宛轉入花林素鮪  
樂空水鳧鷖卧煙潯石上垂綸客臨淵非世心

春風吹釣絲偶逐蜻蛉起還同花溪魚演漾花溪水長空  
寫潭影澄懷澹如此出處偶然事論心付葭葦

太宰陳說巖先生命題王石谷畫午亭山村圖

太行綿互北州野處處峰巒聚奔馬騰驤磊落萬不同一

一遠自青天下神靈窟宅誇雄尊西邊王屋東蘇門縱橫  
顧盼韓魏趙衛中山數百郡空青未了煙光繁我公結廬  
王屋邊太行元氣紛紛糾蟠千室鱗鱗入雲霧塵中不辨桃  
花源綠野裴中立東山謝安石白頭趨起爲蒼生留著煙  
嵐圍故宅綸扉賜沐時清閑幅巾輦帶思家山烏木山人  
黃鶴手爲寫雲巒縹緲間青山一重溪一轉山勢半舒雲  
半卷遙天漠漠風雨來蒼翠浮空沒層巘斯須彩暈山前  
生亂鋪錦繡林壑明驛梅官柳傍前路溪橋野店行人行  
行人路轉前山曲側峯橫嶺看不足栝柏杉篁一徑通人  
家散滿千花谷谷口人家經幾年晉時耕種秦時田漁郎  
舟子偶一到竟疑此地皆神仙神仙愛山不住山青雲鳴  
玉趨眞班自來力牧風后乃仙伯豈有山澤之癯能活國

君不見我公身侍玉皇香案四十秋素心日向林泉游出  
山更復攜山出五嶽真形隨杖頭腐儒不辨經綸事祇是  
未諳山水意豈如真儒江湖魏闕藏胸襟天然林壑無招  
尋松泉百道交清音慷慨寫之梁父吟出和虞舜薰風琴  
勳名如山力所任我心無時無山林王屋高高丹水深吁  
嗟乎方知古來伯仲伊呂者一生皆是巢由心

分詠京師古跡得明成祖華嚴經大鐘

鐘在萬壽寺鐘內外書華

嚴金剛諸品名經八十一卷沈學士度筆也

鴻溝不割新亭毀南兵百萬封羊豕九江夜盜魚鑰行金  
川門開鼓聲死袈裟瓶鉢嗣皇髡忠臣十族飄冤魂高皇  
鐘簾幸無恙不歸異姓歸宗藩九鼎遷移太倉卒燕山峩  
峩建宮闕銷鋒鑄鐐一鐘成要比銅人高突兀當年殺戮

成邱墟憑仗佛力相懺除金剛華嚴八十卷蒲牢腹背分  
明書一字懺除一寃命字少寃多除不竟鐘聲夜發老狐  
鳴頭戴鬪髑暗中聽祇今事往三百年零落草棘依荒煙  
紅牆碧瓦半銷毀道傍翁仲行人憐憶昔索銅山海竭懸  
鐘十丈龍頭楔銘勳不紀道衍功釁塗卽用齊黃血沈生  
字體平不頗銀鉤鐵畫星駢羅甯知青史但一字比較鐘  
鼎尤難磨骨肉相殘悲已事憾留此鐘閱三世樂安州外  
見俘王南城宮中伴幽帝此時老佛西南行荒陬一卷楞  
嚴經歸葬西山不封樹到今談者淚縱橫金石壽長人不  
能彈指千年多廢興君不見米脂賊來箭如雨原廟編鐘  
散無主萬歲山頭悲尺組帝子王孫無處所血濺長陵一

抔土

送馬河宗令巴陵

一舸湖南去官閒事事幽山川麋子國煙雨岳陽樓橘社  
龍宮近江花帝女游鼃鼃春浪闊窗外看漁舟  
老漚爭衡地魚龍戰血腥廿年烽火盡千里稻田青水驛  
通吳會雲帆滿洞庭恩波流處遠更勒紀功銘

金陵懷古

鍾阜猶存王氣銷石城自打晚來潮行逢舊燕烏衣巷偶  
聽殘鶯白下橋風月一天袁虎詠衣冠滿地阿龍超臨觴  
莫漫悲千古六十年前是六朝

賭墅風流誤後賢屢朝狎客遞當筵宮車慣入鴛鴦寺臺  
閣新翻燕子箋千載埋金悲故國十州鎔鐵鑄當年停雲  
歌歇行雲散斷送繁華尺五天

江孔傾危不足論可憐名士亦脂脣  
犢車詣闕甯非妄翟  
莠蒙塵豈是真削梯南流滿淮甸  
迴戈東指下湘濱  
帝星長白增芒耀前路驅除定有人  
爾汝歌如水調長江南江北共淒涼  
不知橫鎖千重斷尙  
戀迴舟一水香紅豆按歌空有淚  
庭花比玉恰逢霜到今  
無客悲禾黍舊院人還說頓楊

漫興

九陌輕塵走鈿車閉門書帙任橫斜  
茶香易醒朝來酒睡  
美妨看郭外花垂柳漸濃鶯識路  
畫簾初捲燕知家  
客途縱有風期在苦爲春愁益鬢華

立秋南麓書屋小集

柳外一蟬涼氣生迴廊接座有餘清  
寒花映日將何待老

比日余言匪先五十四  
樹迎風漸不平鬪飲客如秋鶻健吟詩我作候蟲鳴離心  
最易關搖落一曲汾歌萬古情

己丑初秋郭于宮招集江亭寄懷千波崙木德尹諸  
君子

葭莢連天鷗鴉飛碧山如畫遠相依朝煙暮靄遮城闕  
岸迴塘有釣磯野水逢秋寫衰鬢林風傍晚入生衣雲中  
一道旌竿直誤認帆檣欲送歸

德州感懷田山薑先生

詩卷長存萬事休十年黃壤閉風流人歸畫扇齋如故春  
去山薑葉似秋雨後漕河渾更急道傍官柳綠含愁羊曇  
漸老無多淚忍爲停車一少留

泛舟西湖夜半始歸

天邊明月光難并人世西湖景不同若把西湖比明月湖  
心亭是廣寒宮

滿保字九如號鳧山滿洲旗人康熙甲戌進士改庶吉  
士官至閩浙總督有檢心堂橐

仲春七日朱撫軍邀至湖上偶成

山水清音晚更調梵宮隨處可逍遙籃輿穿碧聞溪響雪  
岸抽黃見柳條談笑暫時拋案牘隄防終日爲江潮艤舟  
且向孤山去攜取寒香到酒瓢

韜光

戶外雙峯散午晴江湖分繞越王城何當留宿山僧榻破  
曉來看海日生

陳瓚字文煥號眉川海康人康熙甲戌進士由知縣官

至福建巡撫贈禮部尚書諡清端有詩集

詩話清端會試出孝感熊文端之門深研性理諸書  
甲申渡臺灣遭風折柁舟中讀太極圖說西銘諸書  
不輟寄子書有曰自出門來抱此數書日夕尋玩自  
信頗有所得特達之遇又儀封張清恪所薦舉也

遊鄧偉南園林

煙火絕人處綠雲搖翠陰微風嘯鳥緩細雨落花深徑曲  
苔黏屐潭空月印心市朝塵盞集雅趣羨園林

過飛來寺

山堂說法錫先飛一度南華久不歸絕頂峯巒開法眼嵌  
空蹊谷護禪扉木魚聲細留花雨明月更深上釣磯可是  
攀援攀未得清風竦竦動征衣

登紅毛樓

即赤嵌樓荷蘭所築也臺灣府志云  
云雕欄凌空鄭氏以貯火藥軍器

量移海外乍逢秋憑眺依稀古戍樓烽火驚心成往事清

笳入耳散邊愁盈盈帶水孤帆杳漠漠晴空白日悠更喜  
澄清雄鎮畔飛雲歛忽渡江頭

行越嶠道中

隋志邛部有嶠山元和志在邛部縣西南九里嶠水出其下州郡以此名

天下崎嶇路無如越嶠西重山復重壑但有杜鵑嘯

屠沂字艾山號酌滄孝感人康熙甲戌進士官至浙江

巡撫有雙峯詩集

述懷

金風蕭瑟五湖秋好趁煙波把釣舟正憶往時司馬渴至  
今還抱杞人憂寸心漫許中流柱一木甯支鎮海樓南浦  
歸來萬里雁飛飛長寫一天愁

陳豫朋字堯凱號濂村澤州人康熙甲戌進士改庶吉

士授編修歷官福建鹽驛道有濂村詩集

詩話濂村文貞子入歲能詩文貞為授杜律居官清介自守文名重一時

磬曲至橫丹鄉道上

曉出文州門幽景恣清玩魚鳥無嫌猜花竹縟爛燦行來  
磬曲東危境耳目換山勢驚嶙嶒江流俯瀾漫嶽岑孤徑  
垂敲窄不容輓小輿費挽曳長繩慮中斷移趾膝拄胸束  
縛衣過馭夾磴百層蘿挺霄千尺幹魄動怯虛厓力窮羨  
飛翰直上艱縈盤厥下杳涯岸獨憩苔石顛坐久心愈憚  
吁嗟日將晡峩峩始及半

北平射虎歌

秋風削耳塞草枯將軍夜持金僕姑一發輒殪雙於菟金  
石既貫精誠符再發不入理豈誣有心求合翻成愚漢軍  
數出擊匈奴大宛苜蓿飼名駒將軍志欲封狼胥前茅後

出迷道途七十餘戰血模糊數奇不賞徒區區人事翻覆  
如轆轤白雲蒼狗變須臾君不見邵平罷相還獨居種瓜  
自荷青門耒

寒食還近筠連

遠役羅施國山程匝月賒去原同海角歸亦渺天涯白板  
雙書笈青油一幟車新煙林薄外開徧刺桐花

灞橋

草碧雲疎浪影搖水煙初斂漲痕消斷腸橋畔天涯路愁  
殺青青楊柳條

陳霆萬字紫馭平湖人康熙甲戌進士官臨朐知縣

白日

白日愁無遣青山興未孤板橋緣磧補木屐信藜扶苔色

浮碑字榕陰落酒壺他鄉拌醉好歸夢亦西湖

米調元字和梅號養石崇陽人康熙甲戌進士官江南

知縣

過荒村有所憶

春野曠無際興來惟獨行偶經流水徑時聽落花聲草宿  
田廬換雲浮身世輕機心息已久麋鹿不須驚

林豫吉字不飛福建長樂人康熙甲戌進士有松址集

樓夜

野曠星偏大江冥水自聲人煙休遠市漏鼓起荒城鐙下  
一杯酒樓頭萬里情風塵空老去吾亦感生成

春晴

湖海真吾事乾坤賦此生花光亂日色帆影走風聲雙鬢

天涯遠三春水國晴采蘭歌彼美笙管爲誰清

夾溪桃花盛開得野老邀酌

溪上桃花春自開漁郎煙櫂幾時來天留湖海吾爲客日  
靜桑麻此泛杯社鼓忽傳江燕至鄉書猶阻塞鴻回鷓冠  
野老行藏異雞黍殷勤去後猜

周鍾瑄字宣子貴筑人康熙丙子舉人由知縣歷官荆

州知府有遏雲齋松亭諸集

詩話宣子初合臺灣諸羅撫循番社興學教耕以事  
忤巡臺御史爲所劾使者按驗得直泰陵深賞之  
擢守荊州以關權不如額戍軍臺子德明上書請代  
以免歸過荊州有句云不甘袖手聽鴻唳卻向危機  
將虎鬚流民已定邱中宅逐客方歸塞外身  
卒後荊州民尸祝之名所築江隄爲周公堰

題陳虎文明經象

長風入長松習習發青響雲石盤根柯日月任來往羨此

禿頂翁意氣何蕭爽綺皓伊何人悠然動長想

月夜泛舟

經年塵面恨怱怱又逐輕颺駕短篷兩槳碎搖葭菼月片  
帆斜受蓼花風天從波底翻無定雲過湖心旋欲融搔首  
幾回眠不得牀頭長缺氣如虹

許遂字揚雲番禺人康熙丙子舉人官清河知縣

山月

不知誰抱鏡挂在白雲岑萬壑照成雪梅花寒一林美人  
此遙夜千里結愁心解帶松風下霜華流素琴

李鍾璧字鹿嵐通江人康熙丙子舉人官平南知縣有

燕喜堂集

黃汾阻風

繫纜黃沙幾晦明歸心日夜共愁生客行慣下千猿淚潮  
至如聞萬馬聲世事久知同木雁羈懷何處付銀箏倚欄  
極目占風色遠浦沙昏浪未平

石芳字蘭汀號雲樵滿洲旗人康熙丙子舉人襲世管  
佐領有自怡詩草

山行夜歸

曲屈盤松徑蒼煙原上村斜陽依遠岸疎磬出黃昏雲憶  
山歸岫人隨月到門興豪難假寐獨自舉清尊

祭星壇

石門南去祭星壇可有仙真駕紫鸞北斗無聲霜月古四  
山松檜逼人寒

謝方琦字應雲宜興人康熙丙子舉人有東墅集

詩話應雲及弟皆人詩格並冷雋嘗刻詠雪亭唱和詩一門羣從皆有法亦嘉話也

雨中送客

北風驅寒雲蕭蕭亂松雨前山忽杳冥不辨溪頭樹漁父  
村外歸牧人煙中語翩翩東來鳥悲鳴尋故侶惆悵別情  
人挂帆何處所

春閨詞

林外子規嗁數聲窗欲曙憐妾最傷春語語催歸去

積雪

積雪晦原陸竹村人掩扉南鄰暮招鶴不使入雲飛

雪霽

雪霽曙光寒漁蓑漾初日隔浦一帆斜前村釣船出

李永祺字鶴君嘉善人康熙丙子舉人有河干詩鈔

病起

峻嶒未怕骨如柴排悶時時強散懷  
叔夜養生終是癖伯倫醉死便須埋  
枕邊喚夢勞黃鳥陌上行游讓玉駟  
莫負陽春好煙景且教辦取踏青鞋

送魏丈水村之燕

新詩一卷落人間樂部流傳唱玉關  
此去酒徒重覓醉且教畫壁聽雙鬟

何梅字雪芳建甯人康熙丙子舉人官建陽教諭有江

村詩鈔

望接筍峯不得上

入洞疑無路虛無接筍梢鉤梯仙鬼半  
鐵索死生交人影猱升木僧寮鶴架巢  
那能乘羽化絕頂共誅茅

蘇氏三山歸舟

閩溪不可上上若上青天纜向峯頭繫舟從石罅穿晴空  
排虎刺急瀨吐蛟涎賦命真窮薄頻年往復旋

丁佩玉字雪石昆陽人康熙丙子舉人有一槎寄草

蕪湖晚望

江燕撩人至雙飛似舊知如何春去日不是客歸時水逐  
船頭轉雲隨帆腳低短吟渾未盡悵望復遲遲

嚴虞惇字寶成一字思庵常熟人康熙丁丑一甲二名

進士授編修歷官太僕寺少卿有嚴太僕集

小重陽日大雨後續城南登高分得千字

重陽風雨古語傳今秋雲物何澄鮮天公怪底號令錯喚  
醒屏翳豐隆眠九日更越日有四以三乘九陽無偏飛廉

先驅號萬竅隨以颯拉噴流泉秋行夏令勢滄泐列缺吐  
火施其鞭九衢淙淙注黃潦泥沒一丈車傾蹶城南高臺  
竦百尺蒼波對面葭葦連煙光水氣相蕩潏岌業孰敢登  
危顛豈知詩人足好事偏於造物工雕鐫重尋舊約命傳  
侶羸馬滑澁泥衝羶入門頓覺檐溜斷升階忽見雲容穿  
拳衣陟級試翹首皜皜晴日長空懸得非吾儕氣陵暴揮  
斥八極塵昏愀不然天公逞狡獪助我豪興呈清妍憑欄  
遐矚萬頃碧橫雲一抹凝如煙西山新沐神女髻落霞孤  
映波蒼然胸襟披豁耳目爽朝陰夕暉氣萬千翻思此景  
不易得非此洗滌那娟娟雄談四起競辯囿諧謔間作飛  
觥船官蛙一部當鼓吹大壑泉赴鳴絲絃籬邊黃菊不改  
色茱萸續把懷香荃牢籠物象入詩態興到潑墨霏雲煙

韓蘇當代大手筆清懷小綴新詩篇秦黃卻走籍湜汗聲  
牙佶屈窮迴邇譬如百谷宗大海吐納不讓支流涓良晨  
美景出苦語山川笑我愚而孱蒼茫暝色四圍合寒塘雁  
下烏鴉翮明朝萬口誦詩句龍山佳會還重編

甲申中秋澄觀堂讌集以昌黎一年明月今宵多爲

韻分得月字

青天高虛一輪揭纖雲淨掃天河沒清光灑滌空寰瀛人  
間競賞今宵月澄觀堂中設高宴玉罍瓊壘錯肴核堂虛  
簾捲通綺寮朗朗身疑入西崑滌濯魂魄洗肝腎昏翳脫  
落清冷發百壺澆腸未厭多興酣長鯨吸溟渤分曹射鬪  
角勝負勝氣謹呶負含噦間以雄辯驅波濤雜出險語破  
拘檠吾儕跌宕文字飲縱使麤疎免俗滑生平苦愛謝莊

句千里相思共清越可憐此景不易逢圓缺陰晴變倉卒  
人世那能期上壽靈藥誰教駐華髮舉杯矯首問姮娥何  
事朝朝守枯哢十年枵腹厭茶堇三載傷心失鸚鵡人去  
瑤臺何處尋我欲乘風訴眞闕對酒當歌倍悽愴況此良  
宵思結惛獨立蒼茫飲罷時孤影空階散林樾明朝行見  
挂纖纖堅守參橫不知歇

題試茶圖

穀雨新晴採露芽清泉活火試甌華十年櫻筍江南夢最  
愛茗溪隱士家

姜宸英字西溟號湛園慈谿人康熙丁丑一甲三名進  
士授編修有葦間詩集

詩話西溟工舉子業兼善詩古文詞聖祖稔聞之嘗與朱竹垞嚴蕩漁並稱三布衣葉文敏薦修明史

既又佐徐健庵輯一統志及成進士年已七十矣廷  
對聖祖識其手書拔置第三人後二年典順天鄉  
試同事修撰李蟠被彈劾連染事未即白卒獄  
中詩自玉局入少陵兀寡磅礴能以氣舉其辭

徐健庵編修筵上觀洗象

長安六月三伏始主人門對御河水御河流水聲潺潺玉  
泉奔赴城西灣是日都人看洗象立馬萬騎車千兩曼延  
蹴踔羅岸旁吹角鳴鉦沸川上滿堂賓客何從容碁局未  
了酒不空日中報道象奴出至尊朝罷明光宮魑形詭貌  
三十六一一騎就深潭浴雲起乍疑龍蛇蜿蜒迴更與人  
翻覆須臾小吏前推排將軍拔營羣象回就中一象行躑  
躅齒毛脫落顏摧頹長者謂余豈解事此物經今不知歲  
聞說先朝萬厯初貢車遠自扶南至中更四帝時太平一  
朝闖賊殘神京忍死不食三品料俯首淚下聲哀鳴滄桑

變換忽塵夢勉強逐隊留殘生茫茫舊事君莫說勸君且  
飲杯中物

哭魏叔子

苦節誰云不可貞翠微山共首山清更無安道能求死只  
有韓康解避名遠愧文章當縞紵不教官爵累銘旌臨風  
一慟江天豁未覺前賢愧後生

宜亭

不知秋遠近水色漲平蕪曬岸多漁網浮舟半竹廬橋敲  
眠折葦檻倒坐閒鳧落日宜亭上寥寥吾輩俱

汪士鋐字文升號退谷吳縣人康熙丁丑進士改庶吉  
士授編修厯官右中允有秋泉居士集

詩話退谷與兩兄武曹太史右衡孝廉並嗜學有聲  
於時武曹晚達拜視學滇南之命未上官遽卒右衡

未通籍退谷舉於部試哀然居首入詞林積資序進  
亦未竟其所學能詩古文尤工書法縑素流傳名遂  
出兩  
兄上

陳滄洲太守出瘞鶴銘於江中以搨本見示作歌記

之

焦山山崖瘞鶴銘雷擊墜江江冥冥一旦水底出至寶神  
物焜耀含精靈此碑書家最珍惜欲搨恐犯蛟龍腥致令  
贗本徧天下刻畫媠母誇娉婷或傳此是右軍跡逸少二  
字疑足徵或言宏景或顧況未覩真跡憑圖經滄洲使君  
好古士搜奇抉怪心無甯竭來江邊問遺碣太息墨寶存  
空亭時當窮冬江水涸巉巖洗刮平沙汀或側或仆靈奇  
字磊落散布如天星命工舁石置江岸殘筆剩畫稀留形  
重依舊石定方位安排字跡還儀型矻如陰崖立華屋恍

然峭壁開新硯字體寬綽近古隸鋒稜雖刊光晶熒睇視  
山中宰相筆齊梁風格我所憑何年埋沒忽露洩水奇倏  
忽仍邱陵吾吳太守素神異驅使直可到六丁狼貪虎噬  
且弗避麾斥水怪如蝮蛇世間寶物久必顯雲日肯被煙  
塵暝扶傾固待巨人手此舉便已喧驚霆遠道寄我喜創  
見從今摹畫希精能此石此銘不再得毋使日夜椎搗無  
留停

蔡珽字若璞號禹功漢軍旗人康熙丁丑進士改庶吉  
士授檢討官至吏部尙書直隸總督降奉天府尹有  
守素堂詩集

詩話禹功自號無動居士又號松山季子仁庵制軍  
子也廉介彊直屢起屢躓侃侃不稍撓詩清剛雋上  
如其  
爲人

宿廣惠寺

牛羊下孤嶺落日暗遠川  
暝色入幽谷山翠冷暮煙涼風  
吹戶牖歸鳥棲簷前疎林度清磬  
一鐙僧舍懸深山少更漏獨向西  
窗眠靜坐見明月敲枕聞寒泉巖  
壑鎖闌寂轉覺百慮煎良時不再  
得胡爲塵繼牽

病起

朝陽照戶宇庭院無纖埃  
值此新病起含情獨徘徊開窗  
望遙天澹蕩春風來草色萋已綠  
鳥鳴亦啾啾卽事多所感惻然心  
中哀佳期渺無方躬耕豈易諧何  
當絕物役揮手歸蒿萊養眞東陵  
廬全此擁腫材

過漳河

琅璫征鐸戒徒馭夾道濃陰滌塵慮  
肩輿南下邯鄲南又

過西陵歌舞處玉顏霸業都成灰石火電光安在哉寥落  
荒臺長荒草一樹野棠臺上開我欲吟愁愁日遠漳水東  
流流不返水邊古渡夕陽斜風捲黃沙眯人眼

經桃源

停舟聊小憩散步野隄邊獨樹下歸鳥寒江多晚煙坡頭  
僧鬪藥渡口客呼船知是仙源路風光別一天

午至退谷

古寺深林裏蕭然晝閉關泉聲隨亂石落日照秋山遠嶺  
牛羊小高原禾黍閒自然心目爽塵慮一時刪

由退谷至廣泉道中

曲曲綠坡道翛然策杖登亂谿惟見石半嶺忽逢僧徑轉  
已無路山開又一層祇園鐘鼓靜何處覓秋鐙

過漢江經峴山

峴峰仍北向漢水自東流今古不相待江山空復愁天遙  
歸雁急春曉暮煙稠欲覓羊公石萋萋草滿邱

秋日寄懷高十六章之

蕭蕭竹樹暮窗疏鎮日孤吟歎索居滿地落花人去後一  
天寒雨雁來初馮生有缺家何在蘇子無田願久虛薄宦  
窮愁成底事一回搔首一躊躇  
愛煞鷓鴣笑大鵬浮沈小大果何憑閒中舊事都如水夢  
裏前身竟是僧堪自信時惟有懶最長人處是無能一枝  
腹滿吾求已斂翼榆枋好避矰

雲岡寺

層樓突兀仰神工翠嶺岩巖出半空繞座人瞻巖際佛背

山鈴語殿前風秋灘雨歇寒聲急遠岸僧歸落照紅獨自  
跏趺幽意愜好將詩句付奚童

雞特扣山

哀泉流琤琮風林動蕭瑟幽徑悄無人半峯帶殘日

送張萬石下第歸廉州

黃陵廟裏題詩去賈傅祠前醉酒過莫把相思寄湘水楚  
山明月夜猿多

李鳳翥字紫庭建昌人康熙丁丑進士官至工部侍郎

過峽江

銅雀臺荒鄴水邊長教天塹鎖寒煙土人廟祀周公瑾只  
說巴邱作鎮年

和雨鷺濤雙峽起侵嵐雉堞半山分城東十七洞天內長

憶南朝蕭子雲

張元臣字志尹號豆村銅仁人康熙丁丑進士改庶吉

士授檢討歷官左諭德有豆村詩鈔

晚秋游祖將軍園亭

將軍休沐地延佇思無窮賓從當年盛圖書四壁空寒花

泣暮雨危葉戰秋風只有琅玕竹青青廢院中

宋聚業字嘉升號南園長洲人康熙丁丑進士官吏部

郎中有南園雜稟

沈歸愚曰南園以剛直忤年制軍致身亡家破其人足重可知矣詩雖不多亦自矯矯

題南陽旅壁

真人白水生文叔名士青山卧武侯水自奔騰趨漢口山

猶層疊枕城頭時來一夕收銅馬事去經年運木牛歎息

興亡千載上荒村野廟總悠悠

吳宗豐字揆俞漢陽人康熙丁丑進士改庶吉士官大

同知縣

詩話揆俞廣庵相國子也自詞曹出宰以慈祥爲政不事鞭笞恆徒步問民間疾苦民忘其爲長吏歸田後貧甚廚無宿糧吟詠不稍輟卒年八十有二

過黃州阻雪

曉對篷窗隙披襟問旅程開帆人語靜驟雨浪花平遠岫  
凝寒翠低雲傍水行江村逢臘日頓令客心驚

王樾字文重號震來黃平人康熙丁丑進士歷官嘉定  
知縣有蒲水居詩藁

海峴謠

五月十五東風起我向海邊看海水邊民爲我訴顛連我

爲邊民嗟幹止茅籬咫尺是蒼茫朝宗萬派雄如駛一湖  
一汐往來間日侵月削誠無已誰云滄海復桑田但見桑  
田沈海底憶自熙朝十九年豁賦除田千萬矣只今坍有  
廿餘年廬舍邱墟安可紀按籍施弓不易求田形邱勢難  
比擬就中豈無半畝禾勤農拌此供波靡一聞履畝勘眞  
荒須臾無計圖遷徙沿海殘區欲攫苗刈此木棉成荒鄙  
冀得豁除尺寸區以爲風濤之一抵嗟哉鑒及此情形温  
言化導何必爾方今聖主恤民艱歲蠲正賦眞淪髓九牛  
安用此一毛太倉一粟終何裨從來有土此有財無土將  
焉甯婦子額賦豈能問水濱勸稼何由施耘耔不與海水  
爭旦夕難爲窮壤圖倍蓰潮泥暫退且施弓眞荒眞熟胥  
可指歸來傍晚宿山間山人爲我話桑梓此間一碑近百

年昔日離海三十里於今試看幾何程可知坍塌從何底  
君不見吳淞城外舊城斜半在泥中半在沙此是東南一  
故壘昔年煙火盡蘆花

送尹仲鑾之壽亭

帝里晴煙散柳枝春風野外送行遲路從嶺互溪盤處人  
到花明荔熟時烽燧盡銷成樂壤海洋瀕近是重籬君家  
保障知由舊耕織何嘗爲繭絲

晚晴筴詩匯卷五十四終